

# 尋人啟事

作者: 四月羽毛

Powered by [紙言](#)

## <序>

<序>

大家好,

我叫王梓希,..

喔..其實我應該姓陳.....

係一個土生土長既加拿大華人,

而家已經回流返香港讀書

其實話就話係加拿大,

但溫哥華呢邊真係華人多過本地人.....

所以算係精通廣東話,

當然仲有英文啦....

呢邊無咩唔好,

就係次次都要坐車出去囉...

去最近既超級市場買野坐車來回都要成個鐘呀妖!

所以家家戶戶點都有架車....

講返我加拿大既屋企,

其實我加拿大既屋企又唔真正係我既屋企,

是咁的,

唔知點解,阿媽一直租住阿姨屋企,

我阿媽既屋企呢?

好似話比公公婆婆趕左出黎.....

13年前

我阿媽過左身,

阿姨同阿叔見到我無人無物,  
於是就索性收左做養子。  
雖然阿姨,阿叔唔係我親生既父母,  
但係呢13年黎真係將我當成佢地d子女咁,  
不過係6年前,  
佢地講左阿媽既故事比我聽,  
於是我就開始諗我既尋親之旅.....  
雖然佢地唔想我搵返我老豆,  
但係我都係好唔甘心,  
唔明點解老豆要拋棄阿媽,  
要佢自己係呢到湊我,  
所以我靜靜雞做part-time咁草左3年錢,  
打算係呢個暑假找一找我呢個老豆,  
問佢點解咁絕情...  
點解唔要我同阿媽?  
係我17歲果年既暑假,  
呢個尋親之旅終於成行.....

## <1.一切的開始>

<1.一切的開始>

係我15歲生日果年,

果日我照常咁同

阿姨阿叔果女敏欣一齊返屋企,

我地係同校而且同班,

所以好正常咁成日係埋一齊,

敏:係啲,今日你生日啫

我:嗯!

敏:生日快樂,大個仔要生性啦!

我:妖,你家陣你好老咩?唔好唔記得你仲細過我囉!

敏:嘻嘻!

敏欣係一個好奇怪既女仔...

點解我用奇怪黎形容?

係學校佢就會扮晒乖,扮晒cool咁,

但一放學佢成果性格就會180度轉變...

會好活潑,會好多野講...

仲要係咁激我!!!

不過講真,

佢既身材真係幾好...

特別係果對腳...

又白又滑又長.....

至於果樣,  
都真係唔差,  
如果唔係同佢住埋同一間屋,  
我諗都唔會埋到佢身..  
一定好多鬼仔爭住追佢...

返到屋企,  
一入到去,  
見到成間屋都黑晒,  
又見唔到阿姨同阿叔,  
我諗咩事果陣,  
咁就打算問下敏欣,  
我:敏敏,知唔知發生咩事?  
點鬼知連佢都唔見埋...

我:唔好玩啦,出黎啦....  
(我係一個好細膽既人,

黑媽媽已經好驚,  
點知d人仲唔見晒...

果陣真係心慌到喊...)

無錯,真係喊左出黎,  
一路係咁講:出黎啦你地,唔好玩我啦...  
一路喊.....

(其實我真正驚既係,  
會有一日,  
佢地會唔要我,

畢竟我唔佢地親生

會走左都唔通知我....)

過左一陣,

全間屋既燈終於著返晒...

之後有一拍一拍肩膀..

敏欣:喂,唔係呀,男人老狗係到喊!

原來係敏欣...

終於見返敏欣,

我真係好開心,

果種既感覺就好似沖完熱水涼咁,

有種暖流一直流入心...

果陣我立即上前攞住敏欣

我:你岩岩去左邊?知唔知我有幾驚....

敏欣:傻既,我一直都係到呀...

我:咁點解岩岩見唔到你?

敏欣:我去睇下電掣點咋,見到你咁鬼怕黑...

我:嗯...多謝你....

敏欣:咁你諗住攞到幾時先肯放手呢?

我:攞你一陣,你又唔少左舊肉!!

敏欣:你再攞就叫非禮架啦!!

我:好好好...

於是我就放左手..

呢個時候,

阿姨同阿叔係廚房拎住果蛋糕出黎,

姨叔:happy brithday to you!

happy brithday to you!

happy brithday to Oscar(我個英文名)

happy brithday to you!

生日快樂呀,希仔!

我:點解....?

姨:我地諗住比個驚喜你...點知整喊左你tim

叔:男仔點可以咁易喊架!!

我:係既,阿叔....

之後我細細聲咁同敏欣講..

我:搞錯呀,搞d咁既野都唔通知聲!

敏欣:對唔住囉,鬼知你咁眼淺既咩?

姨:希仔,過黎食蛋糕啦!

我:嗯....

於是我地一家人

(其實我真係好想係佢地既一家人)

就食呢個蛋糕啦...

姨:生日有咩願望呀?

我:唔知呀!

姨:咁你有咩想做?

我:無架,同你地一齊已經好開心!

敏欣:男人老狗連個生日願望都諗唔到,真係so sad!

我:咩呀,我覺得而家已經好滿足啦!

叔:咁你家陣有咩目標?

我:無架,我家陣淨係想同你地係埋一齊...

我:係啦!咁我個願望就係

"永永遠遠都可以同埋阿姨阿叔仲有敏欣係埋一齊!"

敏欣:鬼同你永遠係埋一齊...

敏欣竟然係呢時候面紅....

我都幾錯愕...

我:你唔好誤會呀,你果名只係順便咁講埋出黎架咋!

敏欣:你果死人頭!!!!

心諗:講又唔係,唔講又唔係..你夠竟想點?

我:你隻死人腳呀!!!!

(其實點解會咁講,

我真係唔知...

只係覺得要反駁..

咁就講左出黎啦)

姨:希仔!食完蛋糕入一入房,我有d野同你講

我:係!!

講"係"果陣,

其實我同敏欣係咁鬥講..

:你隻死人X

:你果死人X

諗返起都幾白痴....

咁我食完蛋糕,



就上左2樓阿姨間房啦,

姨:希仔,見你都15歲啦!

我:係!!

姨:關於你阿媽既野,我想同你講!

我:我阿媽?

唔知道大家有冇一種經歷,

你為左一樣好傷心,

之後你唔埋佢,

想將佢忘記...

最後真係好似忘記左啦...

但一有人講返出黎...

個心就會離一離果種感覺..

姐係有種玩緊過山車既感覺,

而家陣我就係咁...

姨:而家我將你阿媽既故事講一次,

姨:我覺得你已經接受到你阿媽既故事!

姨:同埋你其實唔係孤兒!

## <2.阿媽的故事>

<2.阿媽的故事>

姨:

"

18年前,

你阿媽洛悠係香港返番黎加拿大,

發現自己有左BB,

佢阿爸阿媽問極BB果老豆係邊個既時候,

洛悠就死唔都答,

咁佢阿爸阿媽就叫佢落左去,

洛悠就死唔肯,

堅持生個BB落黎,

咁樣佢地就鬥左場交...

最後洛悠離家出走...

當時好似係早上既6點...

洛悠打電話比我

洛悠:淑華,我可唔可暫時搬黎你到住?

姨:發生咩事,你離家出走?

洛悠:係,阿爸阿媽唔想我生個仔出黎...

姨:仔?...你有左...?咁...你諗住點打算?

洛悠:我都唔知...我只係想生個BB落黎...

姨:但係你家陣仲係學生  
(果陣阿媽21歲,大學生一名)

洛悠:我都知...但係我唔想唔要個BB...

姨:BB個老豆呢?

洛悠:佢係香港人...我有打過比佢,但係佢唔聽...  
(阿姨知道阿媽果陣其實喊緊...)

姨:咁...我都要問下我老公先...  
(阿姨比阿媽大4年,而且果陣已經同阿叔結左婚)

洛悠:多謝你...我會交返租既

姨:唔洗,真係唔洗...

洛悠:你唔比我交租就唔黎住架啦...

姨:咁好啦..

於是我就同你阿叔講...

阿叔都應承左,

反正我地有間客房長期空置..

咁你阿媽洛悠就搬左黎我地屋企住...

之後既事...

你應該都知道啦!"

我:係...

見到阿媽咁慘,

我呢個時候,已經諗住想搵返我老豆...

我唔係想投靠佢,

反而想打佢幾拳....

姨:你唔係孤兒,你有公公婆婆,

姨:仲有你阿爸係香港

呢個時候,

我終於明白阿姨點解要講呢個故事我聽,

因為我岩岩喊,

令佢地明白,

我係幾咁空虛..

幾咁想有家人既溫暖...

## <3.母愛>

### <3.母愛>

聽完阿姨講完阿媽既故事之後,  
我徐徐的返到以前阿媽間房,姐係我家陣間房...  
望住呢間房,  
時光好似倒流咁,  
返到阿媽仲在生既時候.....  
於是我就諗返起我細過既事  
其實我都唔係好記得阿媽個樣,  
畢竟已經7年前既事...

"

阿媽:做晒功課未呀?  
我:未呀,遲d先做啦!  
阿媽:點解要遲d先做,快d做晒佢,  
阿媽:唔係今晚唔比飯你食架!

"

其實阿媽又點會唔捨得比飯我食呀,  
而且次次晚飯都係我最鍾意食既野

"

阿媽:快d訓教啦...  
我:等我玩埋呢場先啦!  
阿媽:咁你記得早d訓,聽日9點先返學架  
我:係既媽咪!

"

然而每次我都係唔記得醒,  
次次都係阿媽叫醒我,  
如果家陣阿媽仲可以叫下我,  
你話幾好.....

"

我:對唔住呀,我唔想架!  
阿媽:我知,有媽咪係到唔洗驚

"

我記得果次我打碎左學校課室個窗,  
點解打碎?因為我同d同學係課室打波囉..  
當時打碎左都唔知點算..  
之後學校call左阿媽過來..  
見到阿媽制服都沒換..就趕左過來...  
(阿媽做sales..每個月有2500加幣左右)  
係咁同d阿sir say sorry...  
而因為咁...阿媽呢一日...開唔到工...  
但係佢無怪責我...

"

我:媽咪,好辛苦呀!

阿媽:無事既,快d食藥

我:好苦呀!

阿媽:愈苦愈快好,媽咪等你好返帶你出去玩啦!

"

其實一個女人仔賺到幾多錢呀?

雖然呢到係加拿大,

無咩性別歧視,

但係呢到既開支咁大..

又要照顧我...

所謂既出去玩,不過是去一去屋企附近既公園而已...

"

阿媽:希仔,你唔好有事...

我:媽.....

阿媽:我叫緊救護車黎,好快到!!

"

果次,我真係差d出事....

我細過貪玩...

唔覺意撞左落房門對角到..

之後流左好多血....

"

我:媽咪去左邊?

姨:你媽咪去左一個好遠既地方旅行,遲d先返

我:點解唔帶埋我去?

姨:果到好遠架,佢話會買份禮物返黎比你!

我:咁好啦!!

"

當時我仲未意識到,

阿媽已經過左身...

事後問返..

原來阿媽係死於肝癌...

當問返果陣..

我真係好傷心,

喊左成日.....

阿媽當我係寶,

咁多年黎都唔鬧過我打過我..

我都未黎得切報答佢,

佢已經過左身...

此時此刻,

我喊左出黎...

入到間房,

我拎起張被,

冒大頭的喊了...

因為唔想比阿姨阿叔聽到,  
同被敏欣笑...

唔知大家有冇試過..  
喊到訓著..  
果晚我就係咁..  
醒返既時間..枕頭已經濕晒

當我打算換衣服上學的時候..  
打開衣櫃..  
我發現我衣櫃既裡面,  
有一箱野,  
雖然我唔知咩黎,  
但我感覺到呢箱野係同我阿媽有關...

...  
於是我拎左呢箱野出黎..

打開..  
首先我見到既係一隻  
有個牌刻住

" / \ / \  
逸 \ / 洛  
  \ /  
"

既熊仔..  
熊仔下面係9封信..  
日期係由我阿媽咪返黎果年計起..  
一年一封..  
直到我7歲果年..  
而第9封有D特別..  
係一封只有日期..無內容既信..  
而且地址已經寫上,郵票已經貼上,  
但點解一封都無寄出去呢?

再之後係..  
2本黑色既日記..  
呢個日記既開始..  
就係我出生果日  
直到阿媽過身之前果日

....  
我已經唔想再攞落去,  
因為好似..  
阿媽既記憶——湧現係我腦海...

...  
不過我都仍然攞落去..  
最後..  
我拎到一本..  
最特別既日記,

同之前果2本唔同..  
呢本係粉紅色既...  
日期係由  
10年前開始,  
直到阿媽返黎加拿大為止...

...  
我睇著呢d阿媽既遺物,  
我想哭,  
我想問上天,  
"點解要咁對我阿媽?  
點解佢唔可以幸幸福福咁生活?  
點解....?"  
一句句點解出現係我腦海中...  
於是,  
我決定了,  
我要去香港,  
搵我老豆問清楚!

突然房門被敲響了,  
敏欣:要返學啦!  
我:我黎啦!  
我:你有冇朋友返緊part-time?  
敏欣:你問黎做咩?  
我:無,我想草下錢姐!  
敏欣:咁我幫你問下啦!  
我:唔該晒!!

於是,  
我既草錢生活就開始左...



## <4.香港(上)>

<4.香港(上)>

17歲果年既暑假,

我終於草夠錢可以買來回香港既機票,

同埋10日左右既住宿,

6月30日,

果陣岩岩放暑假

我同阿姨阿叔食飯既時候。

我:阿姨,阿叔

姨:咩事?

我:我有d野同你地講

叔:有咩事唔怕講啲

我:我想返一返香港

姨:.....

我:我預備左好耐架啦,我真係好想問清楚我阿爸....

姨:咁你諗住幾時去?

敏欣:我都要跟埋去!!!

我:下個禮拜,去10日左右

敏欣:咁我呢??

我:唔夠錢呀...而且呢d係我既事..

敏欣:唔得,我都要跟埋去..

敏欣真係好似好想去咁

好少見到敏敏咁既樣..

但係無奈...我草到既錢都只係岩岩好...

我:敏敏,真係對唔住...我真係唔夠錢...

叔:機票錢我比啦,多一個人陪你返去都好!

敏欣:多謝阿爸!!

敏敏突然之間黎個熊抱抱住阿叔,  
見到敏敏真係好開心!  
唔知點解,  
我去香港既不安感覺消失左,  
可能係因為覺得有敏敏係身邊。

我:好多謝你地,我都唔知講咩好...

姨:洗咩,我地都當你係半邊仔架啦!!!

敏欣:好彩唔係當晒姐....

我:唉也,你算咩意思?

敏欣:你覺得係咩意思係咩意思囉!!

我:哼!仲諗住聽日約你去一個地方tim,睇黎家陣唔洗啦!

敏欣:嗚,唔得我都要去!

其實敏欣幾時變得咁痴身既呢?  
我都唔知...

我:好啦,好啦

敏欣:咁去邊?

我:去一個好特別既地方..

無錯,其實我想去一去阿媽既娘家  
既然都要搵阿爸啦,  
不妨搵埋公公同婆婆...

話咁快就到左聽日

敏欣:早知道係黎呢到就唔黎啦

我:係你自己跟埋黎咋ma,怪唔到我啱..

敏欣:你好野,我記住嫁

我:記住d咩?

敏欣:記住...你蝦過我囉

我:依d野都好記..你真係好無聊好無?

敏欣:你理得我呀,第時你就知!

我:好啦好啦,我地入左去先啦

敏欣:你講就入架啦,本小姐米好無面?

我:當我求你啦好無

我:你好有面..我好無面,得未?

敏欣:嘻嘻,咁就差唔多!!

終於黎到公公婆婆既住址..  
當我同敏敏企係門前既時候,  
我好猶疑,但又好想敲門..  
敏欣:敲門啦!

我:見到佢地,我唔知講咩好...

敏欣:諗到咩米講咩囉!

我:我.....

敏欣:放心啦,有我係到!!

我:有你係到仲衰呀!!

敏欣舉起果拳頭...

敏欣:我比個機會你講多次

於是我無奈

我:有你就好....

敏欣:算你啦!!!

唔知點解,  
經過敏欣咁激一激..  
心情立即輕鬆晒...

我下定決心去敲門...

點知我想敲門既時候,

裡面一對老婆婆,老公公就開左門...

我意識到..

佢地就係我地公公同婆婆...

我:公公,婆婆...你地好!

我:我叫王梓希

公公:我地好似唔識你....

我:我係你地既外孫...

婆婆:原來阿女真係生左你出黎...仲已經咁大個  
婆婆:咁你阿媽係邊?過得好唔好?

我:阿媽已經係10年之前過左身...

婆婆聽到之後好傷心..  
咁公公就係側邊安慰...

我:...

敏敏見到咁既情況..  
好似有d野表示  
敏欣:喂,你唔記得介紹我呀!!

我明白敏敏係唔想搞到果氣氛咁差..  
我:係係!!  
我指住敏敏  
我:呢個係你地既外孫媳婦....

敏欣一拳打落黎..  
好鬼痛囉妖!

敏欣:唔好意思,我係佢既朋友先岩...

公公婆婆見到我地咁樣,  
都笑左...

於是我地就跟埋公公婆婆入阿媽既屋企  
婆婆叫我地坐係客廳。

於是我就問  
我:係呢,阿媽平時會做d咩架?

婆婆:佢平最鍾意睇下電影同寫左野...

公公:你睇下,個果櫃d VCD全部都係你阿媽買架

我:咁樣知唔知..阿媽同阿爸點認識?

婆婆:我地都唔知...剩係知道你阿媽同一個人成日都有寫信

我:咁我可唔可以入去阿媽間房到睇下?

公公:好!

於是跟著婆婆既指引..入到阿媽間房..

而敏欣就係客廳陪住公公

雖然18年黎,

呢間房都無人住...

但仍然好清潔...

而且好似一直有住咁...

婆婆話比我聽,

間房一直都無變過...

一入到去...

好奇怪...有一種少女既感覺,

我想一想,

阿媽離家出走時,

也不過是一個21歲的小女生,

有很多毛公仔,也有很多相簿...

翻開相簿,

看著以前的阿媽...

我哭了....

然而,我係呢本相簿到搵到一封信...

一封未完成既信...

"

致親愛的逸朗:

我明白你現在的心情，但一切都是我的錯，請不要責怪自己。前天的失約是我的不對，但我是有一個非去不可的約會。去了那個約會，我才了解到，你才是我最愛的人，我希望.....

"

我阿爸果名原來叫逸朗，  
我好想知道阿媽最後希望是什麼？  
而且為什麼會留下這一封信.....

我明白到，  
阿媽真係好愛我阿爸，  
可以為左呢份愛  
放棄自己既學業，親人.....  
點解阿爸會拋棄阿媽？

敏欣在房門看到我既嘆氣..

敏欣：喂，一個人係到現自閉呀？

我：邊有！

敏欣：係就好啦！

我：敏敏，我地仲有一個地方要去，陪埋我去，好無？

敏欣：好！你去到邊都我跟著你！

我：妳真係好.....

敏欣突然露出個尷尬既表情

敏欣：咁幾時去呀？

我：依加啦，同我公公婆婆拜別之後就去啦！

於是就同公公婆婆拜別，  
雖然佢地唔捨得，  
不過我話以後會多d黎，  
咁佢地就安心啦

我揸住車，  
敏欣係我身邊問

敏欣:我地去邊姐?

我:去見我阿媽!

敏欣:我地又未死,點見喎!

我:我地家陣米去死囉

敏欣:鬼同你死晒一齊呀

我:講笑晒,我地家陣去我阿媽果墓地到!

敏:原來係咁!!

其實今日我無諗過要黎搵阿媽,  
不過經過今日之後,  
我覺得要再見多一次阿媽。

## <5.香港(下)>

<5.香港(下)>

這裡的一個個墓碑,

每一個都有他們的故事,

或許墓地對於人們來說是個恐怖,陰森的地方,

但其實更是一個埋藏著不同故事的地方。

我同敏敏終於黎到阿媽既墓碑前,

我:媽咪·我打算去一去香港

我:搵下阿爸,睇下佢過成點

我:仲要問清楚佢點解要拋棄我地母子

我:媽咪,我唔知咁做岩唔岩

我:我唔知咁做你會唔會開心

我:但係依果係我心中既迷,

我:我想去解...

我:如果可以既話,我會帶埋阿爸返黎

我:再同你見一見面!

敏欣:伯母,我係敏欣呀!我會同你照顧好梓希架啦!

我:邊個要你照顧,我照顧你就真!!!

敏欣:得啦,大家照顧大家好無?

我:唔好囉!我照顧你就得!!!!

敏欣:你依d係米要表白.....

敏欣塊面紅左...

我:唔知呢?不過今日真係多謝你!

我:媽咪,我地走先啦,第時再黎探你啦!

於是我地2個人,一言不發的回到車上,

我有我揸車返阿姨阿叔屋企,敏敏就自己望下窗外面既景色...

但係係呢刻,我覺得好溫暖,

唔知敏敏係點呢?

話咁快,

就到左下個禮拜,

我地終於要去香港啦!

香港呢個名字唔陌生,

因為阿姨同阿叔都係香港既移民,

話咁驚香港比左中國之後會好亂,

90年代初,

佢地就移民左去加拿大。



終於有宣佈要我地上機。

我:我地要上機啦

敏欣:係既!希大人

我:咩料,我個名又轉左既..

自從上次係我阿媽墓碑之既間接表白之後..

敏敏不斷改我果個花名...

由原本既

希仔>希希>眼淺希>易喊希>傻希希>白痴希.....

敏欣:咩嗰,唔叫得呀!!

我:得得得,你想點叫都點,你想叫,叫一世都得

敏欣:鬼同你一世呀!

我:唔一世,米兩世囉,三世又點話,無限世都得...

敏欣又用佢既拳頭打左我一下

敏欣:做唔到你就死!!!

我:我地再係咁講落去就上唔到機架啦!!!

敏欣:最衰都係你啦!!

我:上機先上機先,上到機慢慢被你鬧...

我地已經成為情侶?係既係既...

點解愛得咁平淡?你估我想架...不過平淡是福,對吧?

呢次唔係我第一次搭飛機,

但平時搭既都係內陸機..

但係今次一搭就10幾個鐘...

你都米話唔悶...

好彩我身邊有我最愛既人--敏敏,

只要一日佢係身邊,

我同佢就好似有無盡既話題要講...

我:唔知香港係點既呢?

敏:米一個好普通既城市囉

我:哇,西利

敏:我梗係西利啦,你唔係而家先知呱?

我:西利到講左好似無講咁

敏:咩嗰!真係咁架ma

我:鬼唔知咩...

敏:BB仔米唔知囉!!

我:我又唔係BB仔

敏:吓,我真係而家先知你唔係BB他咋啲!

我:...

敏:我又贏一次啦,哈哈

我:贏左又點?

敏:去到香港之後,晚餐我決定,不過你比錢!!

我:你唔贏都你決定,我比錢架啦!

敏:咁...我買果d野,你比錢囉

我:喂喂...家陣係黎旅行架?

敏:原來唔係咩?

我:o靚妹,你家陣玩野呀?

敏:怨罪呀,希希大人...

我:算你啦,敏敏妹妹...

我:敏敏,唔知我會唔會遇到我阿爸呢?

敏:信我啦,一定會遇到既!

我:點解你可以咁肯定?

敏:因為有我係到!

我:你又係到自誇啦!

敏:邊有?

我:不過有你真好!!

敏敏又好尷尬既dup低頭

敏:成日失驚無神表白...真係令人好尷尬架!

我:你唔鍾意咩?唔鍾意米唔講囉

敏:唔係...

於是我突然之間大叫

我:敏敏,我愛你!!!

成個機艙既人都聽到,

個個都望住我地笑...

敏:得啦得啦...

我:咁有咩表示?

敏:咁....

敏敏一聲也不出的輕吻我的嘴唇...

我:算你啦!!

我地就係不斷既甜言蜜言中渡過呢10幾個鐘...

終於黎到呢個阿爸阿媽,

相戀,相愛,分手既地方,

由於去到香港機場,時間都幾夜啦,

所以今日我地去左我地之前租左既酒店check in先

而我地都太累了,

一上我地間房,

沖埋涼就訓教啦

(唔好心邪,我地2個都未成年架....

而且自問無咁快有能力照顧到佢)

## <6.戀愛日記>

### <6.戀愛日記>

晨光照耀,  
和暖的陽光照射著我們....

無錯,昨晚我一直攞住佢,  
但係我地只係單純既攞住..

我:敏敏,9點啦  
敏:希希,早晨...  
敏:訓多陣得唔得?  
我:好啦,我地就訓左半個鐘..  
我知道訓多半個鐘...  
姐係可以攞多半個鐘..  
攞住一個你愛既人...  
其實係一件好幸福既事,  
有時候覺得,如果可以攞住成日,  
咩都唔做,其實都唔錯!  
我有個習慣,  
攞住敏敏既時候,  
我係會係咁用手指搞佢d頭髮,

...  
所以我係呢時候,  
當然就搞足半個鐘...  
我都覺得自己有d變態...

我:半個鐘啦!  
敏:哦...  
我:快d換衫啦,我地要出去架啦!  
敏:係既,希大人!

於是我地就去我地既第一站  
--尖沙咀海旁--

因為呢到係阿媽粉紅日記所講,  
同阿爸第一次既見面既地方。

"

3月28日 晴

今日是我與逸朗約好見面的日子,  
當時我真的十分緊張,很期待他的樣子,聲音.....  
突然,一把既陌生又熟悉的聲音出現,  
原來是逸朗,他比我想像更加帥氣,

聲音更加好聽...總知他比我想像中更加完美  
原來.....

"

當我地搭車去海旁既時候,  
我就打開左阿媽日記既第一頁...  
我同敏敏就一齊睇住呢本日誌...  
我:就咁睇我覺得幾好悶,不如搞d新意思!  
敏:有d咩新意思呀?  
我:我地黎個角色扮演,你扮我阿媽,我就扮阿爸,咁好唔好?  
敏:都幾好玩咁啲!  
我:咁陣間你落車行去先,我落左車之後行多幾行幾去搵你!  
於是,  
我地既角色扮演就係落巴士果刻開始...

我去到海旁,  
點知原來海旁咁鬼長...  
心諭:你唔好走黎走去呀,唔係我點搵你..

終於,我係鐘樓旁邊睇到一名少女...  
於是我靜靜雞咁行過去

我:喂!你係洛悠?

敏敏轉身,唔知點解,  
我係呢一刻先知敏敏其實咁靚女  
光潤的櫻桃小咀,  
瓜子口臉..  
白裡透紅的皮膚...  
還流著長長黑澤的秀髮..  
點解我係呢刻先發現呢?  
因為平時太過親密,所以我唔發覺..  
而用另外一個身份去觀察,  
原來,敏敏真係好完美...  
可以同一個美女拍拖..真係三生有幸

敏:係喔,你係逸朗?

我:我地書信來往左咁多個月終於可以見面啦!

敏:係!我地仲可以見面啦,你比我想像完美好多!

我:你都係...真係好靚...好完美!

敏:你咁講我會怕羞架...

我:你真係好靚ma...

我一直望住敏敏既樣...  
我終於忍唔住啦

我雙手攞住敏敏,  
雙唇不自覺的吻上敏敏那光潤的小咀...

雖然敏敏有些反抗,  
但後來便接受了...

一陣子過後,  
敏敏推開我...

敏:你奸矛呀你!你阿爸阿媽邊有發展得咁快!!!

我:對唔住,我都唔知點解會咁做!不過係呢刻先發現,原來你真係咁完美...

敏:哼,家陣先知我靚!有冇搞錯!

我:我...真係唔知點解,但係有一點我可以確忍

我:我愛妳!!!仲係愈黎愈愛妳果種!!!!

敏:算你啦!我地既下一站去邊?

我:家陣都成12點啦,我地既下一站當然係食飯啦!

敏:真係啱..咁去邊到食?

我:我真係唔知啱!前面有個商場,不如入睇下米知囉!

敏:唔好,我想食下香港地道既茶餐廳囉!

我:但係好似唔衛生咁...

敏:我地要感受下香港既特色呀ma,

敏:唔好唔得我地其實都係香港人黎架!

我:咁好啦!

我地就係街上面搵到一個唔知叫咩記既茶餐廳就入左去食啦..  
我地食完飯之後,

敏:咁家陣下一站又去邊?

我:咁要睇下阿媽本日記先!

"

3月29日 陰天

逸朗說今天約我去看一場電影,  
想不到他還記得我喜歡看電影,  
我真的太開心啦!!!

當我打算去我們約定的地方時,  
想不到他就在酒店的大堂等我,  
原來他是那麼的細心,

於是我們便坐車到那戲院,

不過呢,雖然是看電影,

但我其實一直看著的雙眼...

他時不時的看過,

問我:幹什麼嗎?

我都說沒什麼...

其實我是被他吸引著了,

不懂他是否也對我有意思呢?

"

係呢篇日記上面,

完完全全睇到阿媽少女懷春既感覺....

我:我地既下一站係睇戲...

敏:好呀,家陣有d咩戲好睇呢?

我:去左戲院先決定啦!!

敏:唔得,要而家決定!!

我:我點知家陣有要戲上緊啲

敏:咁又係,去左先算啦!

我:咁又話要而家決定?

敏:我幾時有咁講過?

我:....

敏:嘻嘻

唔知點解,

我好似成日比敏敏屈機咁,

但係我又自得其樂果下又.....

我地就去左百老匯,

睇下有d咩好睇

我:你鍾意睇d咩戲?  
敏:無所謂架  
我:咁就睇果套喜劇啦!  
敏:好喔,你話事啦!!

我:你餓唔餓洗唔洗買d野食先?  
敏:唔洗,岩岩先食完野,而且有你係身邊就咩都飽晒啦!!  
我:姐係...見到我就飽晒?我有咁樣衰咩?  
敏:係架,你好樣衰,不過樣衰得黎我好鍾意咁囉  
我:...真係嬲你唔落...  
敏:睇你個樣都唔捨得嬲我架啦!

我在袋中拿出阿媽留給我的玉佩.  
我:拿,如果將來我真係嬲左你既話,你拎個玉佩出黎啦!  
敏:做咩突然之間比野我!  
我:唔知架,我覺得要比米比囉!  
敏:嗯,不過我覺得我會用唔著囉!  
我:點解?  
敏:睇下你個性格,點都嬲得人落姐!  
我:...er...  
敏:如果我可以整得嬲你,我自己都唔原諒自己啦  
我眼泛淚光的說道  
我:敏敏,你真係對我好好..  
敏:梗係,我係你女朋友啖!  
我:我地可以永遠係埋一係就好啦!  
敏:一定會架,信我啦!

我覺得,呢一刻已經係永恆,  
而且我覺得可以永遠永遠係咁落去.....

入到去睇戲,  
其實呢一刻係睇咩戲已經唔重要,  
因為我身邊係我最愛既人...  
我無睇到戲,  
呢2個鐘,  
我一直望住敏敏...  
我終於明白阿媽當時既心情,  
原來身邊有你最愛既人既話,  
世界只會變到得返我地2個人..

終於到左晚餐既時間

我:你話過,晚飯你決定架!  
敏:咁今次你跟我黎啦..  
我就跟住敏敏去到一座好似岩岩建成既建築物--ICC  
我:唔會係黎呢到食野瓜...

敏:係喔!

我:點解會諗住黎呢到食野既?

敏:聽講香港既夜景好靚,上到去米可以睇到晒囉!

我:原來你鍾意睇夜景架?

敏:唔知呀,平時係溫哥華根本就無夜景睇...

我:好啦,咁我地就入去...

於是我地上左101樓既餐廳食飯...

打算食完飯之後落返去100樓慢慢睇夜景

我:估唔到你都幾有心思啲!

敏:仲洗講既!係米好滿意呢?

我:有你係到,m記都滿意啦!

敏:又失驚無神講d咁肉麻既野...

我:我鍾意呀,我要係咁講呀!

敏:露出既尷尬又喜歡的笑容...

我:敏敏睇下,好似有d激光係d大廈到射出黎啲!

敏:哇!好靚呀!

敏:敏敏一直望住出面的景色...

而我就一直望住敏敏的臉孔...

雖然窗外的夜景很優美,

但美不過坐我在前面的那人....

....

今日的行程很累,

所以食完飯,

再看一會夜景,

我們已經返酒店訓教...

同樣,

我係攞著敏敏訓既...

睇到敏敏訓教個樣,

心諗:一生一世攞住佢,望住佢,我會唔會悶呢?唔會,如果可以既話,我真好想一生世攞住佢,望住佢.....

呢3日我地就將阿媽同阿爸既拍拖行程完完全全咁行過一次,

但我地好似忘記左d野,

的確,我黎香港係為左搵阿爸,

唔係黎旅行....



## <7.相遇>

### <7.相遇>

對我來說,  
妳已經是我的永恆。

第4天早晨,  
我一起身就唔見左敏敏,  
之前每一日都係我比佢早醒,  
但今日竟然唔見左佢,  
之後我唯有落去大堂搵下,  
睇下見唔見到佢...

落到去大堂,  
竟然發現佢坐左係到,  
我上前問佢  
我:敏敏,做咩落左黎既?  
佢無答到我,  
我:敏敏,發生咩事?  
敏:希希,我對唔住你....  
此時我發現,原來敏敏係到喊緊  
敏:我...我...整唔見左你塊玉佩...  
原來係整唔左我塊..阿媽比我既玉佩...  
我:傻妹,執玉佩身外物黎既姐,你無唔見就得啦  
敏:但係塊玉佩係你媽咪比你架嘍...  
我:唔緊要啦,唔見左,阿媽都唔會責怪我既  
我:唔見左你既話,唔單止你阿爸阿媽會責怪我  
我:我仲會好嬲我自己tim...  
我:你先永遠係最重要既...  
敏:希..希....  
敏敏突然之間上前攬住我  
敏:我....愛....你.....  
我:得啦得啦,傻妹,我地上返去先啦!  
敏:嗯...  
於是我抱住敏敏上返去我地間房。

我:敏敏,你覺唔覺得呢?  
敏:咩事?  
我:我地好似忘記左要搵我阿爸既事...  
敏:我地都無你爸bi既地址...  
我:又係嗰...  
敏:所以我地米唯有順其自然囉..  
我:但係我地呢個trip係為左搵阿爸架嗰..  
敏:咁...  
我:呀,我記得阿媽寫過幾封信,有地址但係未寄出去架

敏:咁姐係點?

我:可能係諗住記比我阿爸架!

敏:咁我地米可以去呢d地址搵下囉!

我:係啦,就係咁!估唔到敏敏同我心意相通!

敏:因為我識讀心術

我:.....

敏:又贏一場,哈哈!!

之後,

我地就跟住個地址搵我阿爸啦

我:睇黎就係而到啦!

敏:咁我地入去啦!!

"咄,咄,咄"

我:裡面有冇人呀?

敏:裡面無聲啲,我諗應該無人啦

剛好有個住客經過,

我:唔該,我想問下呢家人去左邊?

住客:你地係佢地既?

我:朋友!

住客:佢地好似搬左去第2度啦啲!

我:咁你知唔知佢地搬左去邊?

住客:真係唔知,不過佢地就留低連絡電話比我

我:你可唔可以比個電話號碼我?我地好耐無見!

住客:咁好啦!

於是,個果租客比左個電話我地

住客:我要走先啦,88

我&敏:再見!

敏:你幾時變得咁識做戲?

我:哈,你唔記得你果男朋友十項全能既咩?

敏:懶叻啦你!

敏:咁之後諗住點?

我:打比佢囉!

敏:你唔驚咩?

我:驚d咩?佢驚我就真!!

敏:哈哈,咁仲唔快d打?

我:我...

(雖然話唔驚,但真係唔知第一句講d咩好)

敏:又話唔驚?

我:咩啲...

敏敏無啦啦咁搶走我個電話,

然後打左呢個電話...

我:你點可以咁...

敏:你要聽架啦,都打通左啦!

咁我就唯有頂硬上...

終於從電話傳來要一個女人的聲音,

?:喂

我:喂

?:請問搵邊個?

我:唔該,陳...逸...朗先生

?:你係佢既邊個?

我:朋友,佢唔係到呀?

?:岩岩出左去,洗唔洗叫佢打返比你?

我:唔洗,幫我聽日約佢星光大道10點等就得!

?:好既,請問你貴姓?

我:我姓王既...

?:王上果王定黃色果黃?

我:王上果王

(電話中傳來一陣細小的聲音:媽咪,邊個打黎搵爸爸?)

?:咁我聽日叫我老公黎搵你

?:喂?喂?喂?

老公?爸爸?

原來我阿爸已經同其他人結婚,

仲要生左仔...

我呆左...

突然敏敏用拳頭打左我個頭一下

敏:發咩呆呀?約到未?

當然我終於清醒...

我立即攞住敏敏,

我:原來阿媽只係係到空等8年,老豆家陣已經同人結婚生理仔

我放聲大哭,

敏敏都同我喊埋一齊...

敏:無事架,無野破,有我係你身邊!

我:我係米好無用?

敏:唔係,你已經好堅強架啦!

我:敏敏,有朝一日,你會唔會唔要我?

敏:點會,我地會永遠係埋一齊,仲有我爸bi,媽咪,仲有你公公同婆婆

我:我...能夠同你相遇,真係太好啦!!

敏:我地家陣唔洗諗咁多,食完午餐先算好無?

我既心情終於係敏敏既安慰下平伏...

但迎接我地既係一條點既路呢?

不過家陣先迎接我地既係一個好奇怪既午餐?

我:又話黎食午餐..做咩帶我黎個蛋糕教室?

敏:因為食甜野,心情會好d囉!

我:咁出去買米得,洗咩自己整?

敏:自己整會好食d架!

我...

敏:再贏多一次,睇下幾時贏夠你1000次...

我:你有數住架?

敏:有架,家陣係267次!

我:原來已經咁多次架啦...

敏:哈哈,快d入去啦!

於是,

我就同敏敏一齊整蛋糕食,

但係我只係初心者,

根本唔識整,

咁我米唯有幫手執下野,

比下材料敏敏整就算,

敏:面粉

我:係!

敏:牛奶!

我:呢到!

敏:蛋黃!

我:而到!

敏:我淨係要蛋黃唔要蛋白呀...

我:吓...

敏:岩岩有冇上堂架?

我:諗住望你,唔記我左上堂啲!

敏:你...又話自己十項全能既?

我:十項全能唔包整蛋糕...

敏:咁包d咩?

我:真係要我講?

敏:梗係!

我:咁好啦!

我:我大聲講架啦

"

第1項:愛妳

第2項:愛死妳

第3項:愛護妳

第4項:愛惜妳

第5項:愛錫妳

第6項:愛攬妳

第7項:愛住妳

第8項:愛疼妳

第9項:好愛妳

最後一項:愛妳愛到天荒地老!!!

"

我知道好肉麻,

但係呢,敏敏又好似好受落啲!

參加蛋糕教室既同學都望住晒我地!  
對住我地笑!

敏:你睇你,搞到幾唔好意思!

我:我唔介意架,你唔會唔好意思就得啦!

敏:得啦得啦,坐定定係到等食啦!

我:唔得嗰,坐定定點望到你果樣?

敏:.....

我:終於我贏一次啦呱!

我:睇下我又幾時贏夠100次

敏:得戚啦你,1次咁多咋!!

老師:睇黎咁多組都整完啦,我地家陣將果蛋糕拎去焗

我:身為男朋友既我幫你拎啦!你就坐係到等食就得

敏:唔要,我又要一齊去!

(敏敏真係愈黎愈痴身,不過我鍾意)

我:咁我拎呢邊,你拎果邊啦!

老師:呢2位同學都幾欣愛嗰!

我:哈哈,老師都羨慕我地呀!

敏:咩呀,快d搬入去啦!!

我:得得得得得得(好有節奏咁)

於是,我地就唯有等待焗爐"叮"果刻

我:如果我地唔係因為阿媽搬左黎你地到,唔知道我地會唔會好似而家咁

呢?

敏:一定會架!我相信命運一定會將我地連埋一齊!

我:哈哈,你幾時咁信命?

敏:唔知呀!不過可以同你一齊都算命運既一種黎,所以我米信囉!

我:如果有平行時空既話,唔知我地係到做緊咩呢?

敏:我地都會係埋一齊!可以一樣整緊蛋糕,又或一齊食緊野咁囉!

"叮"

我地個蛋糕終於食得,

因為係第一堂,所以唔會再加d野落去,

不過呢個蛋糕係我成世人覺得最好食野一個

敏:拿!係米特別好食呢!

我:係呀,呢個蛋糕係我成世人食過最好食果個

敏:有冇咁誇張呀!

我:無,絕對無!咁你覺得呢?

敏:其實我都係咁覺得...

我:車!有口話人無口話自己!!

敏:梗係啦,我得一個口咋ma!

我:你.....

敏:再贏多次啦!268次,哈哈!

今日係我食到全世界最好食既蛋糕,  
都係過得最開心既一日,  
如果呢一切可以成為永恆,你話幾好!

今晚訓教既時候,  
一邊攞住敏敏訓,  
一邊笑住咁訓,  
唔知敏敏點諗呢?

## <8.爸爸>

<8.爸爸>

敏:傻豬,醒啦!

(敏敏又一次比我早起)

我:傻婆,早晨!!

敏:尋晚發左咩夢?

我:無呀!

敏:咁點會笑笑口,唔通係春夢?

我:唔係呀,就算係春夢都係諗住妳啦!

敏:你壞呀你,諗埋d咁既野!

我:邊有?

敏:有就唔怕認啎!

我:好啦好啦,我認啦!

我:尋晚成個腦都係你,諗到既都係妳!

敏:其實我呢,尋晚都係咁諗住你....

我:咁仲好話我啎!!

敏:哈哈!!

敏:我地夠鐘出去架啦!

我:出去做咩?

敏:唔記得左約左你阿爸既咩?

認真,我真係唔記得左...

我:..er..記得

敏:好彩我幫你記住咋!

我:所以話有妳真好

敏:嘻嘻

於是我地梳洗完之後,  
就一齊出左去海旁。

出到星光大道之後,  
我地係咁周圍望...  
見到約40歲既人  
都去問一問係米我阿爸,  
點知一個都唔係.....

我:佢唔會失約嘅

敏:可能佢黎緊呢,我地等下啦!

我:咁就唯有等下啦!

敏:我地不如行下星光大道啦!

我:我驚我地行緊果陣,我阿爸會黎....

敏:唔怕啦,我地都係附近行下姐!

我:嗯,咁好啦!

我地望住地下

敏:寶珠姐既手印啲!

我:寶珠姐?邊個黎?

敏:唔係呱?咁都唔識...

我:我唔係幾留意香港既野

敏:佢係香港以前既明星黎!媽咪好鍾意佢架!

敏敏就用手機影低左佢,

而家敏敏屋企仲掛住左呢張相

我:你成日都留意香港d野架?

敏:唔係架,但係媽咪成都睇香港既電視劇,你唔知咩?

我:我一返到屋企就返入房,所以.....

敏:咁日日係房到唔悶既咩?

我:唔悶既,做下功課,聽下歌,彈下琴咁..仲有最重要既係....

敏:最重要係咩?

我:有妳突然之間既敲門,之後入黎同我傾計囉!

敏:原來我咁重要架?

我:梗係,除左我阿媽之外,妳係最重要既人...

敏:如果我唔係到,咁你米好慘?

我:咩唔係到?我地會永遠係埋一齊架ma!

敏:我話如果...

我:無如果架啱!!!

敏:...

我:Yeah!我又贏多一次,第2次啦!

敏:咁就睇下我快d定你快d啦!嘻嘻

我:好呀,一於咁話!

我地咁樣傾下傾下,

都已經成12點啦...

但係阿爸都仲未黎

我:睇黎阿爸都唔黎架啦

敏:不如打電話去睇下啦...

我:都成12點啦,我地食左飯先好無?

敏:又好啲,咁食d咩?

我:今日吃下日本野啦!

敏:日本?幾好呀,陣間黎果比賽!

我:又比..比d咩..?

去到你就知架啦!

睇到間元XX司,

果陣已經見到好多人,

咁多地就坐左埋佢...

我:鬥d咩呀?

敏:我地就鬥邊個食得多碟d



我:咁你實唔夠我黎架啎!

敏:邊個話?

我:我係男仔,你係女仔...仲洗人話?

敏:你太睇少我啦!!哈哈!

我:好,鬥米鬥!

"

敏欣手起刀落咁拎左碟三文魚壽司,  
梓希都唔輸蝕,立即拎左鰻魚壽司反擊,  
敏欣見到呢情況,使用回手反擊拎左2碟魚子壽司,  
梓希見大勢已去,唯有開動大絕,  
拎走左3碟吞拿魚壽司

.....

"

呢場激烈既戰爭...

最後既得勝者係敏敏....

我:點解...你...可...以...食...到...咁...多.....

(我訓左係張怡到扮死...)

敏:哈~哈哈~哈哈...你唔知女仔有2個胃既咩?

敏:又贏多一次,269次啦..哈哈

我:唉...估唔到會輸左比個女仔

敏:你唔係死左既咩?

我:你捨得我死咩?

敏:梗係..捨得啦!

我:估唔到你係d咁既人!!

敏:唔係呀,係捨得就奇呀..

我:哈哈,我都知你會咁講架啦!!

敏:唉也,本小姐點可以比你隨便估我想講咩!

我:對唔住囉!

敏:嘻嘻!

我:其實你贏到1000次會點?

敏:到時你米知囉!

我:咁神秘?!

敏:就係唔比你知呀!

我:ok, you win!

敏:再贏多次,270次啦!!嘻嘻!

我:.....

敏:連贏多次,271次...

我:算啦,唔玩啦!

敏:我好認真架!

我:要打電話比我阿爸架啦!

敏:呀...差d唔記得左!

我:o靚妹,又玩野喔!

敏:繞命喔,希大人!

我:犯人罪證確鑿,黎人"狗頭閘待侯"!

敏:咩....

我就失驚無神地攞住敏敏

我:呢個米狗頭聞囉!!

過後,我就打比我阿爸,

我:喂,唔該陳逸朗?

又再次傳來那女人的聲音

?:你係尋日打電話黎果個?

我:係呀,我見你老公無黎到,米打電話黎問下囉!

?:對唔住,我老公有d事做緊,而家返左公司

我:咁我可唔可以上黎等佢返黎?

?:好!但係我唔知要等到幾時?

我:無所謂!

?:咁我地果地址係XXXXX

於是,

我倆就一齊坐車去呢個地址

我緊握敏敏的手,

她也好像意識到,

我其實很緊張

敏:好緊張?

我:唔係呀!

敏:唔知細伯係點既樣呢?

我:做咩無啦啦叫佢細伯...

敏:遲d可能就咁同你一樣叫阿爸tim架啦!

粉紅炸彈呢家野,通常應該由我黎做...

今次竟然係敏敏講出黎...我當堂呆左...

敏:喂,唔好咩?

我:er...好!好!

敏:你係米唔想娶我先?

我:唔係!唔係!

敏:咁岩岩算係咩意思...

我:我只係覺得有d突然姐.....

講真,我真係無諗到咁長遠...

敏:哼!負心漢呀你!

我:無呀,冤枉呀!

敏:仲話冤枉??

我:敏敏格格,請求原諒小人,小人自當一生一世服待主子!

敏:好啦,免你一死,但活罪難繞

我:小人願甘心接受懲罰!

敏敏一拳dook左我頭一下!

我:好痛呀,你認真架!

敏:梗係,你以為我講笑呀!

話咁快,

終於黎到阿爸的屋企,

我:阿爸原來住係d咁細既屋

(長住加拿大既我,當然想像唔到,其實香港好多人都係住d 4-500呎既樓)

敏:敲門啦!!

"躡!躡!躡!"

?:邊個呀?

我:我呀!電話裡面果個!

?:係既!

?:仲以為我先生既朋友會好大tim...估唔到係果少年黎咋啲

我:嗯,我可唔可以入黎先!

果女人望住敏敏,

女人:呢位係?

我:我老婆,哈哈!

又係慣常動作,打左我一拳

敏:伯母你好,我們佢朋友!!

女人:你地入黎先啦..

於是佢招呼我地坐低,

女人:你地黎搵我先生做d咩?

我:見好耐無見,米上黎問下你先生既情況囉!

女人:原來係咁!

借呢個機會,我乘機問下阿爸既情況

我:你同你先生幾時結婚架?

女人:好似都成13/14年啦!

我:咁你果仔幾大呀?

女人:今年8歲啦,讀緊小三

我:你地既生活過得好唔好?

女人:一初認識我先生既時候,佢生活唔係幾好,不過後來受到老闆賞識,

女人:升左職,之後就無咩大風浪啦!

我:哦,咁米幾好!

女人:係呢,你點認識我先生架?

我:其實我唔認識你先生,你先生認識我阿媽咁解姐,係故人之子呀!!!

女人:哦,原來係咁!睇你地唔似本地人啲!

敏:伯母,我地係由加拿大黎架!

女人:咁遠過黎?辛唔辛苦?

敏:唔辛苦

經過一段閒聊之後,

初步得知阿爸而家既狀況...

原來...阿爸真係忘記左阿媽

係我3/4歲既既時間已經另娶她人...

咁點解佢肯娶呢個女人,反而要拋棄我地呢?

又一陣男人聲,從門外傳來,

我意識到,呢個就係我阿爸...

18年黎,

我終於可以見返我阿爸,

但...我又唔想見到佢...  
而我既心情,真係好複雜...

## <9.折翼天使>

### <9.折翼天使>

"傳說有一名天使,  
在凡間巡視的時候,  
發現一個善良的人,  
他正在幫助一名獨居的老人,  
天使愛上了這人,  
開始跟這人戀愛,  
後來天使希望成為人  
讓自己可以跟他好好戀愛,  
聽到訴求的天父,  
只好折去天使的翅膀,  
讓天使能夠成為普通人,  
但也永遠不能再成為天使了...  
可是,天使覺得這一切都是值得的。  
後來,天使便與這人生活下去了.....

女人:爸爸,有個你認識既人果仔係到等緊你呀!  
爸:邊個?  
女人:你睇下,就係果到!

原來,我阿爸比我想像中年輕,  
大概是40多歲左右,  
我好想同佢講一聲"爸爸"

...

但係,我一係諗到阿媽所發生既事,  
阿爸點樣拋棄我地母子....  
我就怒火中燒,  
立即衝上前,打左佢1拳,  
我:你果負心漢!!  
然後哭著再打左佢1拳!!  
我:你知唔知...  
那女人推開左我,  
女人:你係到做咩?

我粒聲都唔出就走左出去...  
當時我真係無諗到咁多野...

衝左落去樓下,  
先發覺敏敏仲係樓上...  
心諗:我唔可以學返阿爸咁,拋棄阿媽!

然後就上返去...  
我係門口到聽到

敏:我代希希同你講聲對唔住!  
敏:細伯,你知唔知希希係你既邊個?  
爸:係我既邊個?  
敏:佢係你個仔!  
敏:佢今次返黎香港,就係為左搵你!  
爸:我個仔?..我...個...仔?

...  
我立即衝返入去,立即同敏敏講  
我:唔好同佢講咁多,我地走!  
敏:咁大家冷靜下都好既...細伯,伯母我地走先!  
我拖住敏敏諗住走既時候  
爸:唔好走住,你同洛悠有咩關係?  
我:睇完呢8封信,你就會明...  
我扔左之前係我間房搵到果8封信..

於是我地就走左..  
返番去酒店到..  
我dup低果頭喊住咁同敏敏講  
我:我係米好唔理智?  
敏:無,你好堅強架啦!  
我:明明阿爸就係前面,如果我岩岩認返佢,我就可以有我既家人  
敏:放心,你阿爸一定會搵返我地  
敏:希希,你望住我!  
我:我唔想比你見到我而家果樣!  
敏:唔得,快d抬高果頭望住我!  
於是,就唯有抬高果頭望住佢..  
敏:你唔記得仲有我呢個屋企人咩?  
我:我.....  
敏敏把我推在床上,  
然後將佢光潤既雙唇吻向我的雙唇  
係呢個時候,  
我失去左我既理智...  
反將敏敏壓在床上,  
我剝佢既衫,  
佢又剝我件衫...

....  
當我想剝埋佢條裙既時候,  
我既意識開始復甦...  
我:唔係,我仲未可以照顧到你...  
我:而且我唔想你同身體黎安慰我!  
敏:我唔介意,因為你係我認定果個人  
敏敏再次壓係我上面...  
當時我都慾火焚身,  
意識幾乎全部由下半身控制...  
敏敏將佢既胸罩脫掉..  
在陽光既照射,

敏敏像天使般壓在我身上,  
我的胸部完完全全感受敏敏那柔軟而有彈性的乳房...  
當敏敏想脫掉佢既最後防線時....  
我既腦海傳出  
"如果我真係咁做既話,  
我同阿爸根本就無咩分別!"  
我既理智突然之後返晒黎,  
於是我推開敏敏...  
我:我唔想學返我阿爸咁,家陣既我負唔到責任..  
我:對唔住對唔住...  
之後我喊左出黎  
敏:唔好喊啦,我無所謂既...  
我攞住敏敏..  
我知道佢好失落,  
我知道佢好愛我...  
但係我真係唔想做個唔負責任既人...  
我:敏敏,可唔可以等我4年...  
我:我會係大學係咁做兼職,大學畢業後,我會同阿姨阿叔提親,我會明媒

正娶咁娶你,之後你既第一次先比我好無?

敏:好...好  
敏敏好感動咁攞住我..  
我:多謝妳..多謝妳原諒我既任性...  
敏:唔緊要,因為我真係好愛你

我唔知呢4年間,  
我地會發生d咩事,  
但係我可以確保既係,  
我對敏敏既感情會始終如一。

唔...  
或者呢個時候講下呢9封信既內容,  
第一封,

"

親愛的逸朗:

原來我們已經有一個月不見了,我發現我真的很想念你。  
告訴你一個好消息,就是我有你的寶寶。前些天,因為胃口不

佳,而且經期還沒來,我還以為自己發生了什麼,然後去了檢查一下,醫生

告訴我,我并不是患了什麼病,我是有了孩子,我當時真的太高興了!!!

我現在還不知道這個孩子叫做什麼名字,如果可以的話,你也幫

我想一想啦,我希望孩子名字裡面有個希字,希字當然代表希望啦,另外一

個字就你選好了!

.....

"

呢封信,大概係因為阿媽打極電話比阿爸,阿爸都唔聽,  
咁米唯有寫一封信比阿爸...但係點解唔寄出去呢?  
我都唔知...

第二封

"

親愛的逸朗:

近來安好嗎?我這邊也很好,放心,我們的孩子也很好!  
我們的寶寶在前個月就出生了,我叫他做梓希,名字好聽嗎?很遺

憾的告訴你,你覺得不好聽也沒辦法改了!哈哈!

在我生梓希的時候,我一直在想著你在我身邊,能為我打打氣,你

知道嗎?那時候真的很痛,不過我一想到這是你的孩子的時候,我就勇敢的

生下來了。

.....

"

呢封信係相距一年之後寫既,  
內容就係講比阿爸聽我出左生,同埋我個名,仲有對阿爸既思念...

第三封

"

親愛的逸朗:

你的胃沒之前那麼痛了嗎?記得少喝酒喔!我這邊也很好,我的工

作開始有成績了,孩子也慢慢長大了。

前些月,孩子終於懂得說話了,懂得說"媽媽",當時我真的很開心

,不知道什麼時候會懂得叫"爸爸",我很期待呢!你期待嗎?

.....

"

呢封係第三年寫既  
原來我成一歲先識講野...  
原來我咁笨...  
其實工作有點成績是咩呢?  
我記得阿姨講過,我阿媽做sales賺唔到幾多錢咋啲...

第四封

"

親愛的逸朗:



逸朗我們已經4年不見了,不曉得你變成怎麼樣了?我就沒怎麼變

,孩子長大很快,現在已經可以去幼稚園了!!

沒你的日子過得很漫長,幸好你給了我最好的禮物--梓希,看到

孩子,就好像看到你在身邊一般,不過在孩子睡了之後,我還是會很想你,

你想我嗎?

.....  
"

之前同大家講過,

我阿媽係死於肝癌...

其實肝癌既原因就係因為阿媽酗酒...

係我訓左教之後,自己就會係咁飲酒..

醉到訓教。

之後果d信我都交代下果一年發生左d咩事,

同埋有幾思念阿爸,

但係第8封,

令到我覺得,

阿爸應該起碼要等阿媽11年...

第8封,都係阿媽寫比阿爸既最後一封

"

久違的逸朗:

最近身體可好?我倒是有點差,醫生說我有肝臟有問題,現在正在

等待檢查結果,不過為了孩子可以跟你相見,我會努力的!

不知道你還記我跟你說過,如果我有了孩子,我會不告訴你,然後

把他養大到十歲,之後再來香港找你嗎?還有2年的日子,我就能和你相見

了,你也能夠看看我們的孩子。

祝

幸福快樂

最愛你的人

洛悠

2000年3月25日

"

阿媽就係係呢年過左身,

一檢查到有肝癌,已經係末期...

當初我讀到呢到,

我以為阿爸會等到我10歲返黎...

點知...果陣既佢已經結左婚.

阿爸,點解你可以咁樣做...

"

天使以為自己可以同這人一生幸福的生活下去，  
怎料道，

這人跟天使分手了。

這人喜歡自己的原因是因為好奇，

好奇天使是天使，

所以跟天使談戀愛...

但當天使成為凡人之後，

這種好奇心就消失了...

這人便不再喜歡天使了。

天使很痛心，很傷心

但天使不後悔，

因為天使跟這人有真真摯摯的相戀過，

那怕是只有一刻。

"

## <10.誤會>

### <10.誤會>

一聲電話響,  
原來我同敏敏已躺在床上數個小時  
但我已經累得無法起身,  
不是身累,是心累  
我:敏敏,你幫我接得唔得?  
敏:係!  
我仲以為敏敏會問點解,  
有時候,敏敏真係好識諒解我...  
有個咁既女朋友,我是何等福氣?

敏:喂?  
?:你係唔係岩岩黎果個女仔?  
敏:嗯,原來係世伯!  
爸:我可唔可以約你地出黎一下?  
敏:可以!  
爸:咁夜晚9點,係海旁等!  
敏:好既,我會叫埋希希!  
爸:唔該晒!  
敏:應該既!

我真係唔明白,點解敏敏可以對阿爸咁客氣...

敏:你阿爸約左我地九點係海旁等!  
我:我唔想見到佢!  
敏:唔得,你要去!!  
我:點解啲?  
敏:無得解,一定要去!

於是敏敏拉住我出門口,  
心諗:洗唔洗咁早出去?

但係敏敏無同我去到海旁,  
反而去左甜品屋食甜品...

我:點解帶我黎呢到?  
敏:食d甜品會開心d架!  
我:我...  
真係估唔到,  
敏敏真係咁了解我..  
敏:哈,又贏一次,271次啦!!!  
我:多謝妳,真係好多謝妳,比你贏夠999次都無所謂  
敏:我係你邊個?

我:我女朋友!  
敏:仲女朋友?  
我:咁..叫咩...?  
敏:我地訂左婚嫁啦!應該叫老婆!  
我:....老婆!  
敏:乖!老公!  
敏:咁我係你老婆呀ma,為你做多d都正常既姐!  
我:老婆,妳真係好!  
敏:咁你有心情去見你阿爸啦?  
我:....  
敏:點解家陣仲咁猶疑架!  
我:唔係猶疑,我唔知可以同佢講咩..  
敏:去左先算啦!你地點都要見面架!  
我:係既,老婆大人!

經過敏敏一輪開解,  
我既心情算係平伏晒!

咁之後我地就去海旁,  
去到海旁,  
見到一個吸住口煙既人,  
當然,果個就係我阿爸...  
敏敏搶先一步,  
敏:細伯!!  
阿爸轉身,見到我地2個  
爸:呀,你地黎左啦!  
敏:細伯你等左好耐呀?  
爸:唔係!  
阿爸望住我,同我講  
爸:你係米叫希仔?  
我:嗯!  
爸:阿仔,呢10幾年黎,阿爸真係對你地唔住啦!  
我:既然知道對我地唔住,點解唔黎加拿大搵我地?  
爸:我其實好想去加拿大,但係真係唔得  
我:點解?唔好搵藉口黎推卸!  
爸:因為每次諗住洛悠既時候,我都會諗返起果次件事...  
"

我同洛悠係朋友搭朋友咁識,  
果次咁岩佢黎左香港玩,  
之後我地交換左地址,  
打算寫信黎連絡,  
我地每個月都keep住連絡,  
每個月都等待洛悠既來信,  
係呢個時候,我發現我已經愛上左洛悠,  
1年之後,佢再次黎香港旅行,  
我就趁呢個機會同佢表白左,  
而都接受左,

原本我以為可以長長久久咁係埋一齊,  
不過洛悠都仲要返番加拿大返學...  
咁我地就相約左1年之後再見...  
期間我地都係每個月連絡一次  
直到第8個月,  
佢再無寄信過黎....  
但我仍然每個月都寄信過去...  
到左第10個月,我都仲係無收到佢既回信,  
於是打左一次當時好貴既長途電話,  
得知洛悠出左去....  
之後我問我朋友知唔知洛悠發生左d咩事..  
呢個時候我先知洛悠識左第2個男朋友,  
當時既我雖然好難過,但係都接受左...  
直到第11個月...  
收到洛悠既回信話下1個月就會黎香港,希望見到...  
雖然我好開心,但係我知道佢有男朋友...  
當時既心情真係好複雜...  
當洛悠黎到香港,  
我地就好似中間咩都發生過,  
做返好似男女朋友咁,  
直到佢要上機之前既一日,  
我打算約洛悠,陪埋洛悠過最後呢一日,  
洛悠都應承左,  
於是,係呢一日,  
我準備左禮物,同求婚介指..  
打算同洛悠求婚,  
下一年佢返黎既時候,我地就結婚!  
到左果日,我去到我地既約定地點,  
姐係而家呢到,  
點知等左成日都見唔到洛悠,  
當時既我仲係到擔心洛悠發生左d咩事?  
點知係我諗住走既時候,  
我海旁既另一邊...  
我見到洛悠同一個男人攞埋一齊,  
當時既我好想喊,好想大叫,  
當時既我先發覺,  
我原來只係比洛悠涉時間用,  
我真係好想搵野打  
我真係好想搵個洞黎搵落佢,  
我真係唔明洛悠點解要咁...  
之後洛悠有搵過我,  
但係當時既我真係太失落,  
我無理過佢...

當你地今日搵我既時候,  
佢之後搵返我,  
原來要同我講..

佢有左我既BB...  
點解當時既我唔理解...

我對唔住洛悠,對唔住你...  
真係好對唔住!

"

當時既阿爸喊左出黎...

一個男人,當街當巷咁喊出黎...  
可想言之佢係幾傷心...

我:阿爸,對唔住....  
我:原來你仲係咁愛我阿媽...  
我:不過阿媽真係一心一意對你!  
我比左阿媽本粉紅色日記比阿爸...  
我:呢本日記係寫住阿媽同你一齊既日子,你打開最後一頁..  
我:你就會明白,阿媽無背叛你!

"

4月28日 陰

明天是我在香港的最後一天,  
要下年才能回來了,  
今天原本很期待與逸朗的最後約會,  
但當我想去赴約的時候,  
文德突然上來找我...  
他很傷心,  
他不理解為何我要分手,  
他要跟我復合,  
但我回應他說不可能,  
因為我現在只能跟逸朗在一起,  
然後他又突然跑了出去....  
我怕他做了什麼傻事,  
我就跟著他追上去看看,  
我看到他的背影,  
我知道他在哭泣...  
但我不知道怎麼安慰他,  
他又突然轉身把我抱著,  
我沒反抗,因為知道他在哭...  
文德,真的對不起你,  
你不過是我太想念逸朗的幻像...  
真的對不起你,  
我無法愛上你,  
我愛的只有逸朗一個人。  
當事情完結後,  
我匆匆的趕到約會地點,  
可惜已經遲了數個小時...

我找不著逸朗,  
打電話給他也不接,  
逸朗,對不起是我遲到了,  
明天我要上機了,  
希望逸朗會來吧!  
"

我:爸,你明白阿媽未?  
我:佢無背叛你,佢做既一切都係太愛你!  
阿爸大叫出來:洛悠,係我對你唔住..一切都係我既錯!  
爸:阿仔,我想見一見洛悠,佢仲係加拿大?  
我:恩,不過你見唔到佢啦!  
爸:點解?佢唔想見我?  
我:10年前,阿媽已經過左身....  
爸:點解會咁...?  
我:阿媽既第8封信寫佢肝臟有事,你有無睇到?  
爸:有!  
我:後期得出黎既結果係末期肝癌,同一年既秋天,阿媽就過左身啦!  
爸:點解會咁?  
我:因為阿媽每日都借酒消愁...  
爸:洛悠,係我負左你....  
我:阿爸,你願唔願意跟我地返加拿大?  
我:我想將阿媽既遺物比返你,仲有我想你見下阿媽!  
爸:...好...幾時?  
我:後日早上11點,機場等,你記住要黎!  
爸:恩....

我望住身後既敏敏,  
我:我終於將我要講既野,講晒出黎啦!  
敏敏二話不說的攞住我...  
敏:唔好勉強啦,喊出黎啦!

點解敏敏會明白我個心諗既野既?  
我覺得敏敏真係好溫柔,好溫暖....

於是,我就係敏敏既肩膀上放聲大哭...

## <11.星光>

<11.星光>

我倆回到酒店,

我仲係到平伏心情既時候.....

敏:希希,我地聽日諗住做咩?

我:唔知,我家陣咩都唔想諗....

敏:咁不如我地去下郊區囉!

我:你話事啦....

敏:嗚...希希唔理我!

我:唔係喔,我家陣心情好複雜...

敏:咁更加要出去玩下啦!!!

我:好...

敏敏望住果海....

敏:聽日我地去長洲啦!

我:長洲?邊到黎?

敏:我都唔係咁清楚,淨係知道果到係渡假勝地!哈哈!

我:....

敏:又贏一次啦!!嘻嘻,283次啦  
(唔好話我點解唔連貫)

我:咁我唯有聽晒老婆大人話事啦!

敏:咁先乖架ma,希希老公!

時間總會係你唔察覺時溜走,  
咁就到左聽日既早上!

我由細到大都好鍾意望住個海,  
呢個就係你發現我好鍾意約去海旁既原因...



係去長洲既船上面,  
唔知大家坐頭等艙既時候,  
有冇去過船尾既地方,  
果到平時無咩人無出去,  
因為裡面有冷氣,  
做咩要出黎吹海風呢?

...

我同敏敏就係坐左係果到

我:敏敏!

敏:希希,咩事?

我:如果無左你,唔知我仲會唔會認返我阿爸呢?

敏:可能唔會呱!

我:咁睇黎,我真係好似無左妳唔得!

敏:梗係啦,家陣你想唔要我都唔得呀!

我:哈哈,如果有一日,妳唔再係我身邊,唔知我會變成點呢?

我:我諗我會日思夜想咁諗住你,之後可能會出左家,又或者做左神父...

敏:無如果,我一定成世痴住你架!

我:係啦係啦,比我諗下都唔得!

敏:呢d野諗都唔諗呀!

我:係既,老婆大人!

話咁快就泊岸啦,

唔知大家平時一入到長洲會比d咩吸引住呢?

吸引住我地既係...

一出到碼頭,

就見到一堆堆租渡假屋既攤擋,

我:哇,洗唔洗咁誇張....

敏:不如我地今晚係到過夜囉!

我:我驚呢到d設施.....

敏:唔怕啦,還掂都係住一日!

我:咁好啦!

於是我地就係東提是旦租左間屋,

其實長洲可以行既地方好細,

黎黎去去都係碼頭附近,

一過左少少就要上山。

首先,我地租左部三輪車,

我地敏敏一齊踏...

我:敏敏,長洲呢到同出面市區好唔同!

敏:點樣唔同法?

我:依到最高果層樓都係得3層咋!

敏:哈哈,你唔講我又真係又唔覺喎!

我:不過我好鍾意呢到!

敏:點解既?

我:依到舒服好多!

敏:哈哈,我都覺得!

我:敏敏,如果有一日,我地返番黎香港住既話,我地黎長洲住呀,好無?

敏:鬼同你一齊住呀!

我:你係我邊個先?

敏:老婆囉!

我:咁老婆同老公唔係一齊住既咩?

敏:.....

我:哈哈,敏敏老婆輸左!

敏:哼!

敏敏扮晒嬲咁啱起果咀,

真係好可愛..哈哈!

我:唔好嬲啦,老公錫返!

敏:邊個要你錫呀!

雖然敏敏唔願意,  
但係都反抗,咁我就錫左敏敏臉頰一下

我:咁陣間我地去沙灘玩啦!

敏:沙灘?

我:咩?係喎,你唔識游水...咁我地係沙灘晒大陽都得姐!

敏:咁,聽晒老公大人話啦!

大家唔好以為我地有帶泳衣,  
我地只不過著住淺色既短衫短衫去沙灘玩!  
不過有帶防晒是常識吧?

我地行入去沙灘之前,  
咁岩見到一檔賣眼鏡既

敏:我地買副太陽眼鏡囉!

我:好呀,家陣咁晒!

我地左試試右試試,  
將所有太陽眼鏡都試晒咁濟,  
老闆都睇到我地唔耐煩!

我:敏敏就呢副啦!

敏:咁我地一人一副啦!

敏敏拎左2副白框,有條紋既太陽眼鏡入去比錢,  
但係好似除左比錢,仲傾左d野!

竟然敏敏無拎到2副眼鏡出黎!

我:眼鏡呢?

敏:唔見左啦!

我:錢呢?

敏:比左啦!

我:敏敏呢?

敏:係你個心到!

我:咁都好d!

老闆突然之間,走左出黎

老闆:呢2副眼鏡整好啦!

敏:係既老闆!

老闆:係長洲玩得開心d啦!

我&敏:嗯!

我:你搞左d咩?

敏:拿,比副眼鏡你睇下!

敏敏比左一副眼鏡我!

原來,

敏敏要求老闆幫我地將副眼鏡果內框到,

2邊各自刻左我地果名

希 敏

我:估唔到你咁有心思嘍!

敏:本小姐你話估到就估到呀!

我:咁請問敏敏小姐,賞面與我同游沙灘嗎?

敏:好!

敏敏很怕水,

所以我地做落水,

只係係沙灘上面玩,

而之後,

我就不知不覺咁係沙灘到訓著左....

醒返既時候,

已經係夜晚,

點知唔見左敏敏...

我周圍行,行晒成個沙灘都唔見敏敏..

我好擔心佢,

擔心佢出左事,

心諗:敏敏唔可以有事,我唔可以無左你...

我望住個海...

係咁大叫敏敏~敏敏~

我以為佢跌左落水,

我諗住入水到搵佢...

當我諗住咁做既時候...

有把聲音係後面大叫!

"傻佬,係到做咩呀你!"

回頭一望,原來係敏敏...  
我話也說,即刻衝向敏敏,  
用手好大力咁攞住敏敏..

我:我以...為...妳出左事...我好擔心妳!  
敏:傻既,我出左去買野食咋!  
我:答應我,以後都唔好離開我!  
敏:得啦得啦!你攞得我好痛呀!  
我:呀..對唔住!  
敏敏將袋燒烤拎起  
敏:拿,你既野食!

於是我地就坐左係沙灘,一路望住海同埋天,一路食野!

我:敏敏,你望下果天!  
敏:咩?  
我:果天好多星星!  
敏:係啱!  
我:真係好靚!  
我指住一堆星星!  
我:知唔知呢個係咩座?  
敏:好難估啱!  
我:其實我都唔知,不如就叫敏欣座啦!  
敏:哈哈,咁都得?  
我:有咩唔得?古人都係咁架姐!

呢一晚,  
我同敏敏,一直望住個星空,  
好似成個星空都係我地控制...  
呢一刻,已成為我記憶中最重要既一部份!

望到果天開始光,  
終於見到日出,

我:敏敏,唔知我地下次幾時先可以一齊睇日出呢?  
敏:就下一年啦,好無?  
我:嗯,下一年既呢個時候,我地再黎長洲一次!

去到早上6點鐘,  
我地先至返去渡假屋執野!

我:敏敏,你訓一陣啦,我地11點先要到機場!  
敏:希希,你唔訓咩?  
我:我想望住你訓,我先訓!

敏:咁好啦,陣間見!  
我:噃,陣間見!

當敏敏進入夢鄉既時候,  
我都望住敏敏進入夢鄉...

## <12.難忘的樂曲>

<12.難忘的樂曲>

"

然而,天使的故事還沒結束,  
天使巡視凡間的原因就是要阻止惡魔吸食凡人的靈魂,  
因而天使也招來很多惡魔的仇視,  
幸好天使有著絕對的力量,  
因而惡魔無法報仇。

不過,  
天使現在已成為凡人,  
這消息已傳播至惡魔界,  
天使只好每晚過著躲避惡魔的生活。

"

稍稍一睡,  
原來已經8點。  
我們是時候出發機場了。  
坐船回港島也要一個小時,

我們在船上沒有太多說話,  
因為我們昨晚才睡了2個小時,  
就在船上的時間補眠,  
其實,  
有沒有說話不重要,  
只要她在你身邊已經很足夠。

到了9點,  
船已漸漸靠岸,  
由四周一望無際到周圍都是高樓大廈,  
就好像時光穿梭一般。

我:敏敏,要醒啦,到中環啦!

敏:呀,咁快到啦,我仲想訓左陣呀!

我:遲d上到機米可以慢慢訓囉!

敏:又係啲!

我:敏敏,還掂都未到11點,我地行下街先囉!

敏:好累呀,可唔可以唔行呀!

我:咁,我既行下IFC算啦,而且好近機鐵線!

敏:咁好啦!

我倆下船後,  
因為時間還有充裕,  
所以我倆便在IFC吃點早餐...  
剛好我看到大堂有一個鋼琴

我:依到有個鋼琴嘅!

敏:你想彈呀?

我:我覺得呢,總係唔想呢次旅程就咁完結!

敏:原來你都係咁諗呀!

我:哈哈!

我:咁我問下可唔可以比我彈一首歌啦!

我:呢首歌就當我地今次旅程既終結曲啦!

敏:我洗耳供聽!

於是,  
我上前問一下那裡的工作人員,  
那裡的工作人員也很友善,  
可以讓我使用。

我彈既係蕭邦既離別曲  
相傳呢首歌  
係蕭邦既初戀情人離開佢既時候作既,  
為既就係同佢離別!

<http://www.youtube.com/watch?v=5zvTmGzPll0>

當然,我希望我同敏敏既愛情  
唔會有呢d遭遇,  
我只希望可以平平淡淡的渡過。

我看敏敏那滿足的表情,  
我也很滿足了。

我彈完之後,  
偷偷的再多彈一首!  
這首是"夢中的婚禮"

[http://www.youtube.com/watch?v=svT\\_-1Kzk0o](http://www.youtube.com/watch?v=svT_-1Kzk0o)

正如曲名一樣,  
我彈的時候是想著將來我與敏敏的婚禮,  
阿姨阿叔黎祝福我地,  
阿爸都黎祝福我地!  
我地識得既人都黎祝福我!

唔知敏敏有冇咁諗過呢?

彈完之後,  
我向工作人員示意多謝,  
然後便回到敏敏那處!

我:好唔好聽?  
敏:差少少咁啦!  
我:差邊少少?  
敏:就係有d耳油未盡咁囉!  
我:返到去加拿大,我日日彈比你聽!  
敏:一於咁決定啦!  
我:知唔知第2首叫咩名?  
敏:唔知呀,淨係知道你彈得好開心咁!  
我:果首叫"夢中的婚禮"  
我:我諗住,係我地既婚禮都用呢首曲架,你話好唔好?  
敏:幾時要話嫁比你啗!  
我:4年之後囉,我應承左你架!  
敏:聽住先啦!4年咁耐!  
我:我發誓:4年之後一定要娶你!無得如果!  
敏:得啦得啦,我地夠鐘去機場架啦!  
我:嗯!

我地去到機場,  
阿爸都係一早係到!  
原來阿爸一直同二姨(阿爸現任老婆)  
解釋成件事,  
好彩二姨幾明白事理,  
都比左阿爸黎機場去加拿大!

"

直到有一晚,  
天使終於躲避不了惡魔的來襲,  
正當天使以為自己無處可走的時候,  
一名惡魔把她拯救了,  
天使問:為什麼?  
惡魔答:因為你很溫暖!

"



## <13.心結>

<13.心結>

"

惡魔帶著天使,  
躲避著惡魔們的襲擊,  
終於到了白天,  
惡魔們無法再追來,  
而天使和惡魔暫時到了一間屋子。  
天使說:謝謝你!  
惡魔說:我也謝謝你!  
天使覺得很奇怪,  
於是問:為什麼要謝謝我?  
惡魔同樣的答:因為你很溫暖!

"

10多個鐘既飛機,雖然好長,  
但正如我之前所講,  
我地尋晚淨係訓左1個鐘..  
所以我地好累...  
阿爸住係我地前面,  
我就住係敏敏旁邊。

我:敏敏,唔經唔覺我地已經無返加拿大差唔多10日!

敏:嗯...

我:唔知我地下次幾時再返黎香港呢?

敏:嗯.....

我:敏敏?

原來敏敏已經好眼訓

我:敏敏,訓啦!我呢到有個人肉枕頭!

敏敏咁就訓左落我肩膀上...

這些日子來,  
我太倚賴敏敏了,  
就讓這一刻,  
她可以倚靠我吧!

而阿爸也只是默默不語,  
不知道他在想什麼呢?  
在想阿媽嗎?  
還是在想二姨呢?

雖然這次回加拿大是3個人,  
但對比起來香港的2個人,  
反而更加沉靜....

望望窗外,  
原來已經到了加拿大,  
"我返黎啦!"

我和敏敏先回家中,  
把行李扔在房中就出去接阿爸了  
敏敏也想跟著我,  
但我說  
"有d野,我想單獨咁同阿爸講!"  
敏敏也明白了,  
所以沒跟過來!  
"敏敏,我好快返,你係屋企休住息先啦!"

於是,  
我便帶著阿爸到阿媽的墓前

我:阿媽,我終於帶左阿爸返黎啦!  
我:阿爸,我相信阿媽係到都等左10幾年架啦!

阿爸并無行過黎,  
但我拖住佢過黎見阿媽!

我:阿爸,我知道你有好多野同阿媽講既!  
我:你係呢到講既話,我相信阿媽會聽到!

於是我便離開得遠遠的,  
好似比機會阿爸同阿媽單獨相處咁!

雖然我聽唔到阿爸之後講d野,  
但我知道,  
他一直係到重復講對唔住,  
之後仲喊左起上黎!

"阿媽,我算係還左你一個心願啦!  
而我都解開左一個心結,一個18年既心結"

我彷彿從天空中聽到  
"希仔,多謝你"

我的眼淚不禁流了下來!  
"阿媽,我其實好掛住你!"  
"呢10年黎,我都好寂寞....."

突然一陣怪風令到我不得不向阿爸方向望去,  
"喔,我知道啦阿媽,而家我有阿爸係我身邊啦!"

數小時後,  
我同阿爸係墓地出黎,  
我地單獨咁講左一陣,  
我將我呢10年黎既心事,  
一次過講晒比阿爸聽...  
阿爸都將失去阿爸既心情,  
分享晒比我...

呢種感覺讓我感覺到,  
這就是親情,血濃於水的感情。  
雖然阿叔阿姨當我係佢地果仔,  
但係有d野,我就係分享唔到比佢地聽,  
連敏敏都有d野我係有隱瞞既,  
但對住阿爸,我可以無所顧忌咁講晒出黎...

後來,  
我將阿媽遺物交晒比阿爸,  
而阿爸因為工作既關係,  
係呢一日就要返去啦,  
咁我接佢到機場

阿爸:你要保重!  
我:阿爸,我想講,我諗住搬返黎香港!  
阿爸:咁當然好,但你會唔會唔捨呢邊?  
我:唔捨得,但我好想見多d你!  
阿爸:好啦,你係呢邊讀完中學,就過黎香港讀大學啦!  
我:嗯,我會努力架啦!  
阿爸:乖仔,我走先啦!

我返番屋企,  
原來敏敏無休息到,  
一直坐左係客廳到等我!

敏:你終於返黎啦!  
我:係,我返黎啦!

我地之後無講過d咩,  
但我地一直疑視著對方,  
這眼神接觸,好似已經將我地想講既野講晒出黎!

"

天使問:我不是天使了,我沒有力量,為何還說我溫暖呢?  
惡魔想也不想就回答:你的心很溫暖!

"

## <14.告別與將來的...再會>

<14.告別與將來的...再會>

"

這段期間,  
天使與惡魔一起生活了,  
惡魔從未有如此幸福的生活,  
他很開心,  
很興幸能與天使一起。  
天使也很樂意與惡魔一起,  
她從未想過她能重獲幸福。  
可惜幸福,如履薄冰.....

"

這一年來,  
我與敏敏同樣的過著了普通情侶生活,  
阿姨與阿叔也沒有什麼反對。  
敏敏還經常說,  
我們會一直一直這樣下去,  
幸福而簡單的生活。  
她也經常問我報考那一間大學,  
希望就算上到大學我們都能夠在一起,  
我永遠也推諉的說  
"遲d先算啦!"

有多次因為這樣,  
被她質問是不是不愛她了,  
我當然不是不愛她,  
她是我此生最愛的人,  
但我真的不想她傷心,  
因為我報了香港的大學,  
我也不想她為了我而自己一個在香港上學,  
只有自己一個人,沒有親人在身邊的滋味  
我很懂得,  
我不想敏敏有如此感覺。

已經是7月尾,  
我開始要準備去香港了,  
我也要向敏敏坦白了。

這天,  
我地約了敏敏出來,  
來到我們的學校。

敏:做咩約我返黎學校?

我:我地就快升上大學啦,我已經無咩機會返學校!

敏:係啲,你究竟諗住升邊間大學喔?

我:唔好咁心急住,相信我,今日之前我會同你講!

敏:恩,你話架!

我:我想趁呢個時候懷念一下我地既中學生活!

我地入到我地間課室。

敏:哈哈,諗起都好笑!

我:有咩咁好笑?

敏:你仲記唔記得你第一日黎學校既事?

我:真係唔記得啦啲!

敏:有次你去完廁所之後...

我:喂喂喂!呢d陳年舊事仲講出黎?

敏:又係你話要懷念一下既!

我:咁...今日就算你啦!

敏:果次你去完廁所之後出返黎,竟然搵失路....

我:我真係唔記得ma...

敏:見到你係出面行黎行去,仲入錯課室tim...真係好好笑!

我:咩啲,第一日係咁架啦!

敏:又唔見我係咁?

我:咁你叻囉!

敏:哈哈,我不嬲都咁叻架啦!

我:你仲好講,仲記唔記得去旅行果次!

敏:邊次旅行呀?

我:第2年既旅行呀!

敏:哦...果次!

我:明知去旅行,著裙,仲要係黑色既tim!

敏:呢d係潮流,你識d咩?

我:潮啦潮啦,潮到係郊外坐都坐唔到!仲要我陪你係到企啲!

我:有活動果陣,又要痴埋我一組,搞到我都比人笑囉!

敏:哈哈,鬼叫我地係青梅竹馬咩!

我:係囉,有果咁既青梅竹馬!

我:如果我地唔係青梅竹馬,唔知我地會唔會係埋一齊呢?

敏:唔知呢!

我地就係咁回憶我地既往事...

我見到已經黃昏,

我決定將個件事講出黎

我:敏敏,我有件事瞞左你好耐...

敏:其實我都知你會講咩架啦!

我:你點解會知?

敏:你估我係你邊個?

我:哈哈!

敏:應該你係唔諗住升埋同我同一間大學嘍?

我:恩,你會唔會唔開心?

敏:唔會,我地都仲會日日見到ma!

我:其實呢,我諗住係香港果邊升大學....

敏:咁我地米唔可以日日見面囉?

我:對唔住呀,我真係好想陪住阿爸!

敏:嗯.....

我:真係好對唔住呀!

敏:我真係好唔想你走,可唔可以為左我唔好走?

我:...

敏:我知道我咁樣好自私!但係當為左我一次呀,好無?

我:真係好對唔住,家陣科技進步,我既可以日日chat架ma...

敏:但係,我好想見到最真實既你,好想每日都可以攞住你...

我:我...

敏:唔好走啦!

我:對唔住...對唔住...相信我,我一有假期就會返黎!

我見到敏敏係到喊,  
我好想做d野安慰佢...

但係我咩都做唔到,  
我唯一做到既就係

上前攞住佢,

攞到佢實一實...

而敏敏就係我懷中係咁喊...

...

呢一晚,

我地返到屋企,

佢無好似往常咁敲我門口,

之後同我傾計,聽我彈琴

而當我想敲佢門口既時候...

我聽到佢仍然係到喊.

我淨係可以係門口到喊住咁講

"對唔住...對唔住..."

呢一晚,

我好似之前咁..

喊到訓著,

我知道敏敏都係咁...

一朝醒來,

敏敏好似無事咁...

敲我門口,同我出去一齊出去玩

我知道敏敏係到勉強緊...

但係...我又唔知可以點樣做,

或許時間流逝能讓敏敏好受一點

終於到左我上機既果一日,

敏敏一直陪住我,

直到上機既果一刻...

敏敏終於忍唔住...

喊左出黎...

仲要喊得好大聲...

我知道係我虧欠左佢,  
敏敏你等我,3年後,  
我會對現我既承諾..

我:敏敏,我知道我咁樣講好自私...  
我:我一定會信守承諾,3年後返黎娶你...  
我像照顧小孩般,  
摸摸她的頭,  
我:唔好喊啦,我去到香港仲可以見到用cam見面架ma

然後我又攞住敏敏,  
同佢講  
我:我愛妳,直到永遠。  
敏敏喊住咁回答,  
敏:我都係,我會等你返黎架...  
我:恩,我既敏敏!

於是,  
我就一直望住敏敏,  
敏敏都一直望住我既情況下,  
我就上左機啦.....  
敏敏,我永遠都咁愛妳..

## <15.相隔的生活>

### <15.相隔的生活>

我黎到香港係住係我阿爸屋企,  
雖然阿爸屋企唔叫大,  
但係阿爸都留左間房比我,  
我每日放左學之後,  
我都盡量快d返屋企,  
我想彌補一下呢18年黎,  
我見到唔阿爸既時間。  
二姨都當左好似我係親生仔咁,  
而我就多左個細佬。  
這是最想要的生活,  
最想要的家庭。

而且我每晚一定準時同敏敏傾計,  
但香港同加拿大就時差,  
每晚傾計既時候,  
佢都要趕住返學,  
唔可以同我傾唔耐。

我:有冇掛住我呀?  
敏:邊有啲!  
我:哼,咁我聖誕假咁返黎架啦!  
敏:你敢?!!  
我:橫掂都無人掛住我!  
敏:嗚,正衰人!  
我:承認掛住我啦咩?  
敏:係喔,好掛念你喔!  
我:所以你成個聖誕假都係我架啦,唔准約人!  
敏:我...早就係你架啦...!  
我:.....  
敏:哈哈,又贏啦,465次!!  
我:話時話,有冇男仔約過你出街.....  
敏:有架!你阿叔我阿爸囉!  
我:我唔係講呢D..呀  
敏:你想我有咩?  
我:梗係唔想!  
敏:米係囉!  
我:阿姨同阿叔過成點?  
敏:無呀,都係正正常常一一般般咁囉!  
我:咁就好啦!  
敏:咁你果邊點?  
我:都幾好,阿爸同二姨都對我幾好呀!  
敏:係啦,我夠鐘返學啦,聽日再見!



我:恩,敏敏再見!

我同敏敏就係每日都用cam傾計,  
我地好似從來都未分開過咁...

今年聖誕,  
我搭飛機返加拿大同敏敏一齊過,  
敏敏都好期待同我見面咁,  
見到我返黎果陣佢真係好開心,  
而我當然都好開心咁見到敏敏,  
我地出街,行街,睇戲,食飯,  
同我地平時無咩分別。

我:拿比你既!  
我左一個風鈴比敏敏,  
上裡面係個聖誕老人,  
而聖誕老人果樣,  
就痴左我果樣落去!  
我:等你掛住我果陣,可以望下果風鈴!  
敏:唔知醜!鬼掛住你呀!  
我:咁快收返囉!  
敏:禮物送左出去仲邊有得收返?

我:敏敏,話咁快聖誕就快完啦!  
敏:係呀,就快完啦!  
我:如果呢果聖誕可以長d就好啦...我可以見多你幾面!  
敏:唔緊要啦,你暑假都仲會返黎架ma!  
我:恩,你記住等我呀!  
敏:唔等你等邊個?

我攞住敏敏,  
敏敏都攞住我。

我地都好似唔想時間流動咁,  
但係時間不曾為誰停一停。

聖誕過後,  
我既生活就變返之前咁,  
每日上完堂就返屋企,  
每晚準時等待敏敏online.  
之後就訓教...  
day off就返兼職,返完就等夜晚敏敏online..

雖然有d同學話我咁樣太摺...  
但係我黎香港讀書既目的唔係為左識女仔,打波等等

直到暑假前既一個月左右....

每晚都準時online既敏敏,  
佢一晚都offline左...  
我好擔心佢,  
於是我打電話比佢...  
敏敏無聽...  
咁我就唯有打比阿姨...  
阿姨話敏敏出左去啦!

我真係好擔心佢,  
明明約好左晚晚都要chat...  
咁佢offline左,  
就一定有問題....  
我好擔心,  
係咁打電話比佢..  
但係佢無一次聽我

呢一晚,我無訓到...  
因為我訓唔著,  
唔知敏敏會發生咩事!

之後果日,  
敏敏照常online..  
佢話佢學校有d野做,  
所以早返左...  
原來係咁,  
我都安心好多...

但之後...  
我地chat既次數,  
開始由1日1次,  
變到2日1次,  
又變成4日1次,  
最後變到1星期1次....  
我次次問佢原因,  
佢都答我學校有野做,  
咁我唯有信佢啦!  
反正暑假我都會返黎架啦!  
但係,  
呢一個月,每一日都好難過咁...  
返學既路好似比平時更加長,  
上堂既時間好似係平時既2/3倍....  
每一刻都係諗住敏敏做緊d咩,  
如果有時光機的話..  
我恨不到去到1個月之後

這漫長的一個月,終於過去了,  
我終於可以見到敏敏.....



## <16.寂>

<16.寂>

"

幸福,如履薄冰。  
天使與惡魔也以為他們幸福的生活會一直延續下去,  
惡魔是必須吸食靈魂才能生活下去的,  
可是惡魔並沒有這樣做,  
而且惡魔為了要對抗每晚的侵襲,  
導致惡魔愈來愈虛弱....

"

終於來到暑假,  
我終於可以回加拿大了。

不曉得這半年間,  
敏敏變成怎麼樣了?

有掛念我嗎?

學校的事情還很忙嗎?  
如果是的話,  
要好好的勸告一下!

一下飛機,  
我立即急不及待的衝往敏敏的家!

半年了,  
我真的每天都很掛念她,  
雖然不時也有聊天,  
但我還是很想念她!  
很想擁抱她,  
感受她的體溫....

當我打開門,  
阿姨與阿叔已經在客廳等我了。

叔:阿希,你返黎啦!

姨:希仔!黎,過黎食飯啦!

我:嗯!!

我:敏敏呢?

姨:佢同d同學仔去左夏令營啫!

叔:無同你講咩?

我:...

叔:呢個阿女呀,去左夏令營都唔講比你知,下次話下佢先得!

我:無野既...咁佢幾時返?

姨:佢尋日先走,話要去2-3個星期!

我:咁...

(因為有project要做,所以我最後只能夠留係到2個星期...)

姨:你唔可以留係到咁耐呀?

我:算啦,下次返黎再見啦,橫掂我地時不時都可以網上傾計。

姨:下次你返黎果陣,相信阿姨,阿姨會幫你留住敏欣。

我:噃,多謝啦阿姨!

叔:快d食飯啦!d餸都凍晒啦!

我:嗯!

我實在想像不到,

敏敏會在這時刻不在...

那麼我回來的原因是什麼呢?

這2個星期,

我基本就在探望公公婆婆,探阿媽,以及彈琴的渡過...

我雖然很失望,

但看到敏敏在大學的生活得很好,

我也為她而開心。

"沒啦,今次沒見到,那就下次再見吧!"

這是我心所想的...

當我回到香港後,

敏敏也留下一個信息

"對唔住呀!呢個夏令營真係好重要,唔去唔得!

我應承你,下次唔會架啦!"

之後,

也就回歸我們的一星期傾一次計,

我無嬲,

但就失望而已...

當我認為下次一定會見的時候,

很可惜,

2年來一次沒曾真正見過面,

網上聊天也由1星期1次,

變成1個月1次了...

甚至最近1年,

我們再也沒有連絡了..

我每次回到加拿大,

敏敏總是有活動,

不是宿營,露營,就是去了旅行....

而她每次活動完結後,

都會特地send sms說對不起!

還有解釋原因,

但最近的那次已經單單是  
"sor"

我沒有責怪她,  
畢業大學的生活應該多姿多彩才正常的,  
那像我這種不是上課就是在兼職的生活呢?

可是,  
每次被甩之後,  
我都會問,  
"  
敏敏還愛我嗎?不知道!

....  
那我還愛敏敏嗎?...愛!  
"

2年來,  
每天都寂寞,  
每天都是等著敏敏online似的。  
阿爸也想我多一點活動,  
不希望我過著這樣的生活,  
但我都一一拒絕。

而2年來一直支撐我的信念就是  
"我應承過敏敏,我大學畢業後要娶佢!"

但,最近我徹底崩潰了。

"  
在一次的惡魔們的追殺下,  
惡魔突然推開天使,  
天使覺得很突然,  
天使在這一刻又被拋棄了,  
她很傷心,  
不懂得為什麼惡魔拋棄她...  
可是,  
惡魔們並沒有追殺天使,  
反而去追殺惡魔了...  
天使認為這是惡魔拋棄她的一場...  
惡魔被惡魔們的圍擊後,  
被打得體無完膚...  
當天使上前看這個拋棄她的惡魔下場時...  
天使崩潰了.....  
"

## <17.婚禮>

<17.婚禮>

"

原來惡魔並沒有拋棄天使，  
惡魔用最後的力量幻化成天使的模樣，  
將惡魔們引開了。

天使一直哭著的說。

天使:為什麼你要這樣做?

惡魔:...我知道自己時日無多了

惡魔:這裡做的話,他們就不會再追殺你了!!

天使:我不要你死!!

惡魔:我早晚也會死的了,這只是提早了幾天而已。

天使:一定會有救你的方法!

惡魔:你知道的,唯一拯救我的方法。

惡魔:你不會這樣做,我也不會允許這樣做。

天使:可是.....

惡魔:你知道嗎?這些天是我一生以來,覺得最幸福,好溫暖的。

天使:我也是!

惡魔:我之前的生活一直在冰冷的生活著、行屍走肉,根本沒有生存的感覺...

惡魔:直到遇見了你,開始發現有了生存的感覺...

惡魔:呐,你心中有我嗎?

天使:你永遠在我心中!

惡魔:那很好,我可以永遠在這溫暖的心中...

天使:不要!!不要!!!!

惡魔拿出一塊紅寶石。

惡魔:這是一塊能穿越時間的寶石...你拿著它吧!

惡魔把這寶石給了天使。

天使:為什麼要給我?

惡魔:記....認.....

惡魔把記認說完之後,

便閉著眼"睡著"了...

天使:快醒來!快醒來!!!

但是,惡魔再也不可能醒來了...

"

阿姨寄來了一封信,  
裡面是一封喜貼

"

新郎 楊XX 先生  
新娘 李敏欣 小姐

假定於 2012 年 7 月 28 日 在 .....

.....  
陳逸朗先生 闔府統請

"  
當我見到這沒有我的名字的信的時候,  
我也不懂得反應...  
心好像被人打了幾遍...  
差點不懂得再跳動.....  
好像整個世界都要崩潰似的.....

阿爸拍一拍我肩膀...  
爸:仔,你無野ma?  
我:.....  
爸:勇敢d面對啦,遲d會遇到另一個人既!  
我:.....  
爸:仔,我知你好傷心!  
我:.....  
爸:你係到傷心都無用!不如諗下點恭喜敏欣!  
我:.....  
爸:係男人就比d勇氣黎!

"男人老狗點可以..."  
一把敏敏既聲音係腦海傳出...

我:阿爸,可唔可以比我冷靜一下....  
爸:好!不過聽日記得變返做正常!  
我:嗯.....

我回到房間開著電腦,  
看著與敏敏的聊天record,  
因為都是用視像,  
所以沒有很多record...  
但...  
我看著這些記錄..  
我的眼淚不禁流了下來...  
"到底從什麼時候,  
敏敏開始不愛我了?"  
"是不是我不夠愛她?"  
"是不是我經常刺激她?"  
"是不是....."  
我一直在檢討我的錯...  
"這些年來的心機,都白費了嗎?"  
"我這麼辛苦是為了什麼?"  
"我只希望有人愛我,為何?"  
"我到底錯了什麼?"  
".....?"



這一晚,  
我不是哭到睡著了...  
是一直哭一直哭...  
整晚沒有睡過一秒鐘.....

早上,  
我行屍走肉的,沒有精神,沒有表情的走到海旁...  
我很想大喊出來...  
我恨不到跳下海中...

"希希,你奸矛呀你"  
我:收聲!!!!  
"希希,唔好勉強啦,喊出黎!"  
我:我叫你收聲呀!!!  
"我又贏左啦,第271次!哈哈"  
我:你即刻我收聲呀....

身邊既人見到我自言自語,  
都好似驚左我咁....

下午,  
我又剛好走過一間甜心店  
"食甜品會開心d"  
我:無左你,我點會開心.....  
"十項全能,包括d咩呀?"  
我:無你係我身邊,萬項全能又有咩用?

晚上,  
到了我之前彈琴那裡...  
"幾時要話嫁比你啲!"  
我:而家你出嫁了,很可惜,果個唔係我!

我上去鋼琴前,  
今次我沒有得到允許,  
但工作人員也沒有阻止....

貝多芬的《悲愴》,  
雖然年老的貝多芬因耳疾  
而影響到他的音樂創作,  
但他的最悲慘的時刻,  
是他在幼年的時候,  
他的爸爸為了培養他成為第二個莫札特,  
不斷的打他,要他很刻苦的練琴。  
而這刻的我,  
也是我這一生最悲慘的日子。

彈完了,  
我便徐徐的走開,  
這次沒有人為我鼓掌,  
沒有人在等我....

出了門口,  
看看天空,  
原本在這光害嚴重得很的城市中,  
不應看到星星的...  
但,有一顆星星卻在閃爍著...

我:係咩星星黎呢?點解係呢到仲可以見到既?

有人拍一拍肩膀,  
原來係阿爸。

爸:係咩星星唔重要,重要既係佢係有不屈既精神!

爸:星星都做到既事,我地人一定會做得更好!

我:爸...點解你會一直係到?

爸:其實我一直係你後面,放心啦,我永遠都會係你後面到支持你!

我:多謝你,阿爸!...

爸:你係我果仔ma....

我:嗯....

於是我便跟隨著阿爸返屋企,  
此時此刻,  
我才發覺阿爸的身影是如此高大...

爸:仔,咁你諗住去唔去呀?

我:去,用義哥既身份去參加!

爸:咁就好啦,你阿姨同阿叔都會好開心架!

我:嗯.....

終於來到敏敏結婚的前一日,  
我放開了?其實沒有...  
不過我不想阿爸阿姨阿叔傷心而已....

我和阿爸二姨以及細佬坐飛機前往加拿大,  
這個我成長,初戀的地方,  
今次回來卻有一種莫名的陌生感覺..

下機的時候,  
已經是敏敏結婚的當天了,  
阿爸他們立即趕去會場,  
而我跟他們說  
等會我再來,  
我有一個人要見一見!

其實并不是人,

是我阿媽。

我來到墓碑前,  
有札花在墓碑前,  
像剛剛有人拜祭一般...  
到底是誰呢?  
嗯?有塊玉佩既?

我:媽,我又返黎啦!  
我:我諗今次係我最後一次黎見你啦!  
我:大學我岩岩畢業,不過係到等緊畢業證書。  
我:阿媽,今日敏敏要結婚啦!  
我:姐係之前同我一齊黎果個女仔...  
我:我好鍾意佢,但係佢今日要結婚啦.....  
我:我都唔知咁樣做岩唔岩!  
我:有d野我仲想同佢講...  
我:但係我無勇氣再面對佢.....  
我:希望果封信,敏敏會睇到啦!  
我:媽,當年你既心情,我今日終於明白啦!  
我:唔知係米遺傳左你呢份性格呢...  
我:愛一個人就死心塌地,就算佢唔愛你都好!  
我:唔...阿媽,我要走啦!  
我:下次再返黎既時候,我都唔知幾時啦!  
我:不過阿爸應該會成日睇你既!  
我:所以你唔會寂寞架!

於是,  
我無去到婚禮會場,  
我自己搭飛機,  
去左一個全新既地方,  
我都無留低任何連絡方法,  
呢到無人識講中文,英文都無咩人識...  
或許係呢到,  
我就可以重新過我既生活,  
或許呢到,可以令我忘記敏敏。  
但係,如果可以咁容易忘記的,是愛嗎?

"

致我最疼愛的敏敏:

對不起!我沒辦法來你的婚禮了。  
說起來,我們已經1年多沒有說過話了,首先祝賀你新婚快樂!  
唔...或者你會問,為什麼不當面跟你說呢?對不起,我真的沒法用你義  
哥的身份祝福你,而身為你前"男友"的身份,更不可能出現在你婚禮當中,我怕你  
會看到我傷心的樣子。  
我們一起長大,一起笑,一起受罰,一起難過,可能因為我們是青梅竹馬  
的關係,令到你曾經愛上我吧?曾經愛上我這一個沒有長處,又不俊俏的希希?無

論怎樣也好,恭喜你,你終於可以擺脫了我,終於長大了,終於結婚了!

收到你的喜貼後,我一直思前想後,問問自己做錯了什麼?現在發覺,原來我們的開始本身就是一個錯誤,你本應有很多結識男生的機會,就是因為我而令到你的機會流失了。你沒有錯,錯的是我!

當我決定到香港升學時,我們的關係早已經注定結束。就算我怎麼努力也好,結束也是必然的結果。你不要責怪自己,這是命中注定的。

還記我的承諾嗎?雖然不是我和你婚禮,但我彈的夢中的婚禮的CD我已經交付給我阿爸,如果可以的話,希望能在你的婚禮中播出。就當我來了婚禮,可以嗎?

為了實現我對你的承諾,我把打算向你求婚的介指送來了,就當是我曾經向你求婚,之後我求婚失敗。可以嗎?

而結婚禮物,我也沒有什麼可以準備,就把我媽說我出生時在我的衣服找到的紅寶石給你吧!我也不懂得這個寶石的意義,不過這算是我最貴重的物品了。

至於人情方面,我已交付給我阿爸,這是我這些年兼職賺的錢,反正已經沒辦法用得到了,所以就全給你好了,一共10萬港幣。

終於來到最後一段了。我們好像還沒說過分手,那我先說:"敏敏,我地分手啦!",那我就永遠都是你的哥哥,那你永遠都是我的妹妹,只要妹妹幸福,哥哥幸不幸福已經不重要了!

喔,原來還沒到最後一段。吶~如果可以的話,我想再一次同你講"我愛妳"。如果可以的話,我還想仔細的看你一次。如果可以的話,我還想跟你一起看星星。如果可以的話,我還想彈琴給你聽。如果可以的話.....可是,這一切都是如果可以的話。

真的最後一段了。這時候,你應該會問我去向吧?這個你應該明白的。或許數十年後,你會在某個寺院看到某個和尚,而且很像我的,不用懷疑這就是我。又或許數十年後,你的孩子要結婚了,我將會是那教堂的神父,幫你的孩子證婚。開玩笑的啦,我會去一個沒有人認識我的地方,你不用找我,我也不希望你找得到我,幫我跟阿姨阿叔和我的阿爸說一聲再見吧!永別了,敏敏!

祝  
新婚愉快,百年好合

輸了491次的、最愛你的"哥哥"  
梓希

"

"

記認是什麼?

天使最初也并不明白,  
但後來漸漸明白到,  
他們可以靠著這紅寶石來相認,  
下輩子就能依靠這塊紅寶石來相認對方,  
之後他們便能再續前緣了,  
殊不知等待他們的,  
就是永世都沒法在一起的宿命。

"



## <F.新的樂章>

### <18.新的樂章>

事情已過2年了,  
我在這邊的生活已經漸漸習慣了,  
由原本不懂得說日語的我,  
已經能使用日語作正常生活了,  
而我這邊也總算找到一份鋼琴教師的工作。

北海道這個地方,  
我真的很喜歡,  
周遭沒有高樓大廈,  
最高也不過是2/3層的屋子,  
而且我家離海邊不遠,  
當我想訴說煩惱的時候,  
海,就是我的最好朋友。

而我,  
我很慶幸能來到這個地方生活,  
雖然不能過著奢華的生活,  
但總算是平平淡淡的活下去。

還記得初時來到北海道時,  
我是懷著悲傷的心情來這裡的,  
對於所有一切都很陌生,  
也很害怕這一切,  
不過這邊的人很友善,  
看到我這失落的樣子,  
很快的使用那些簡單的英語為我帶路,  
甚至幫我租房子,  
很快我便與這裡的人打成一片。

每天我能夠看著漫天星星,  
每天我能夠自由的彈琴,  
每天我能夠看到那無邊無際的大海,  
每天我能夠望住那碧藍的天空,  
每天我能夠與這裡的人談天,

每天我都好像過著無憂無慮的生活...  
這真的是我所期待的嗎?  
我不知道,  
我也不想知道....

最近,  
一個樂團招募鋼琴師,

而我也不想一輩子也在教鋼琴....  
所以我就報名了。

面試當日,  
我看到很多人,  
而且每個都準備充足似的,  
自問自己只是個普通的人,  
所以我已經"打定輸數"  
反正面試失敗也不過是回去教琴而已,  
而且看到小孩一步步的成長,  
也是很滿足的。

到我面試的時刻,  
主考官要求我做自我介紹,  
之後,  
我以為是鋼琴試奏的環節了,  
所以我前去鋼琴旁邊,  
可是,  
主考官突然叫停我,  
官:慢著,請先聽我這個問題!  
我:嗯,請問?  
官:你認為你那段回憶是最快樂的?  
我:.....  
官:請你用鋼琴表達出來吧!

我想快樂的回憶?  
我最快樂的回憶??  
我最快樂的回憶???

於是,  
我坐在鋼琴前面,  
彈奏了一首夢中的婚禮,  
與敏敏的回憶好像浮現在我面見,

"差少少咁囉"

"就係有d耳油未盡"

"傻佬,你係到做咩呀?"

"對唔住!"

我無法控制我的眼淚,  
我再彈不下去了....  
手指已經無法活動,  
那我只好起身,  
自問已經沒法合格了,

便只好徐徐的準備離開,  
一直怪責自己,  
為何要彈這首曲子,  
我就沒有其他曲子嗎?  
為何最快樂的會想起這個人,  
這個傷得我體無完膚的人...

官:先生,先別走!

我:我知道我不可能合格了!

官:你的琴聲之中,雖然前段有著讓人快樂的感覺,為何最後卻變成悲痛的感覺?

我:...

官:這首曲子是否對你有特別意義?

我:這首曲子代表著我一段既美好又想忘記它的回憶.....

官:為何那麼美好,他卻要忘記它呢?

我:這段回憶只不過是回憶,它的出現只會讓我感到失落!

說罷,我便轉身離開。

官:先生,我們樂團正需要你這種人!

我:我?

官:一個人的經歷能成為他演出的養份,我相信你擁有無可限量的將來。

我:那就是代表?

官:我代表我們的樂團歡迎你。

我:謝謝...

這一段的面試,  
竟然讓我醒悟到....

敏敏,我還是很愛妳的,

你還是我最重要的人....

想忘也忘不了,那怕是我用一辈子的時間...

我也不應該去忘記這段回憶,

她的回憶,就讓它成為我的一部份吧...

失去了這份記憶,我就不是我。

終於,

我進入了這隊樂團,

擔任了鋼琴手的角色,

雖然不是每次表演都有我的演出,

但自問每次演出我都盡心盡力,

而且,

我每一次彈琴,

我對於她的回憶,

都會少了一份哀傷。

有一天,

樂團的首席說我們要去溫哥華表演,

而且我會有出演的機會,

首:梓希,你去溫哥華嗎?



溫哥華,  
的確是溫哥華.....  
一個既熟悉又陌生的地方,  
一個對於我來說很矛盾的地方。  
我應該去嗎?

.....  
現在的我不是已經想通了嗎?  
就讓這段回憶成為我的養份吧!

所以,  
我決定去,  
我決定勇敢的面對它。

我:嗯,我去!  
首:那就去準備一下吧!  
我:嗯!

終於到了去溫哥華表演的時刻,  
在飛機上,  
我不是想著如何向敏敏"報仇",  
反而比較想知道阿叔阿姨的近況,  
以及公公婆婆的現況。

所以下機時候,  
我先向首度請一請假,  
我:首席,我有一個請求?  
首:梓希,什麼事?  
我:這是我的故鄉,能否在表演前看一看我的家人?  
首:嗯,那好吧,明早之前一定要回來,晚上就要表演了!!  
我:謝謝你!

我再次踏上那條道路,  
那條我和她曾經一起走過的路,  
重回舊地,百感交集,  
還是老樣子,  
我先到阿媽的墓碑前。

今次在墓碑前,  
再次看到一扎花,  
看來又有人來過呢?  
是誰?

我:阿媽,今日我返左黎啦!  
我:呢2年黎呢,我去左日本!  
我:當初都唔適應架,但是果邊d人好好!  
我:所以後來都習慣左,而家仲可以係樂團做鋼琴手!

我:唔知阿媽你依2年黎寂唔寂寞呢?  
我:我見好似成日都有人黎睇你咁!  
我:應該唔會寂寞啦!哈哈!  
突然,我見到那束花旁邊有一塊玉佩...  
我:呢塊唔係阿媽比我果塊?唔係唔見左啦咩?  
於是,我拿起它。  
我:究竟岩岩黎睇我阿媽既係邊個?  
我看一看手錶,  
原來已經晚上9時正了!  
我:媽,我夠鐘要走啦,下次再見啦!

離開阿媽的墓碑後,  
我便開車到公公婆婆的家!

而公公婆婆看到我回來也很開心!

我:公公婆婆,你地近排好呀ma?  
婆:無病無痛,算係咁啦!  
我:咁就好啦,我都2年半無探你地啦!  
我:你地會唔會寂寞呀?  
公:唔會!有個女仔成日都黎探我地,仲成帶我地出街玩!  
我:女仔?  
公:就係之前同你一齊黎果個女仔呀,好似叫做...敏...敏欣!

心諗:佢黎探我公公婆婆做咩?唔係應該做緊幸福少奶奶既咩?

我:哦,係佢,如果下次佢黎既話,幫我多謝佢啦!  
婆:下次你地一齊黎啦!  
我:唔...有機會先啦!  
婆:做咩?你地鬧左交咩?  
我:唔係.....  
公:咁記住下次一齊黎啦!  
我:哦.....

為什麼她會來呢?  
她也結婚了,  
要去也是去她奶奶那邊吧?

這時,  
原來已經晚上11點....

喔,看來要快點了,  
明早之前還要回到樂團作準備,  
這邊開車回去也要2/3小時,  
而且回去了還要休息一下。

之後,

我跟公公婆婆道別後,  
就向阿叔阿姨家的方向去了。

2年之前,  
跟阿姨阿叔不辭而別,  
真的要好好跟他們道個歉...  
而且她應該搬走了吧?

開車來到我以前的家,  
雖然已經2年多沒有回來,  
但樣子還是那樣,  
但目的是有改變的,  
2年多前來這裡,  
為的是來看她,  
雖然沒有看得到...  
今次來是為了自己,  
為了阿叔和阿姨!

於是,  
我敲起門來,  
"蹣,蹣,蹣!"

阿姨徐徐的開門...  
阿姨看見我,  
面露喜愉,然後大聲叫喊,  
姨:爸爸!希仔返左黎啦!  
叔:真係?  
於是阿叔都衝來門口處  
我:好耐無見啦,阿姨阿叔!  
姨:你呢幾年去左邊?  
我:我去左日本!  
姨:咁過得好唔好呀?  
我:唔錯啦,今次返黎係因為工作!  
叔:工作?有咩工作?  
我:我果樂團黎左溫哥華公演,所以我就跟左過黎!  
我:之後我請假過黎探下你地!  
姨:敏欣既事,我地真係.....  
我:無所謂啦,都已經過左成2年啦!  
姨:但係.....  
我:唔好講我啦,近排你地點?  
叔:都好好喔,問唔中去下旅行咁!  
我:咁就好啦!我仲以為敏敏走左之後,你地會好寂寞tim!  
我:睇黎我既擔心係過慮既!  
我再看一看手錶,原來已經12點有多...  
姨:敏欣佢.....  
我:唔講咁多啦,我仲要趕返去綵排,阿姨阿叔,下次再見啦!

原來呢2年黎,  
我所擔心既人都過得幾好咁,  
都好幸福快樂!  
咁就好啦!  
睇黎我既憂慮完全係多途既!

在早上3點,  
我已經會回到樂團所在的酒店休息,  
然後就睡覺了,  
今次所做的事實在太多了,  
所以很容易便睡著了.....

"

阿姨,阿叔...唔好走呀...  
阿爸...返黎呀.....  
公公婆婆....你地要去邊?

.....

點解要留返我一個係到.....  
唔好,  
唔好,  
唔好呀!

"

我發了這場怪夢,  
夢見所有人都離開我...  
幸好這只是個夢!

來到早上9點左右,  
我們便要到我們公演的音樂院所準備,  
不知道是不是日本的人口較擠迫,  
所以日本的音樂院也比較小,  
來到這邊音樂院,  
實在覺得有點過份大.....

於是,  
我們便在這裡表綵排,  
不過我有一個特別要求,  
一個有點過份的要求,

因為我只負責了一個樂章,  
所以我希望彈這樂章之前,  
彈一首曲子。

我:首席,可否在我彈這樂章之前,讓我自己彈一首曲子...

首:這...我會很難做的...

我:拜託!!!

首:那你先問問其他團員吧?他們同意,我就同意了!

我:嗯,謝謝你!!!

於是我向各個團員訴說這件事，  
因為我希望對於這個故鄉作道別!

團員各個都很友善，  
所以都要接受了!

首席:那好吧!不過不要失準喔!  
我:我會盡力而為!

終於來到我表演的時刻，  
我很緊張，  
畢竟是我第一次來溫哥華作表演...  
我徐徐的走到鋼琴前坐下，  
在指揮的指示下開始彈琴....  
首先，  
我獨自彈了一首"離別曲"  
因為我不知下次回來的是什麼時候了...  
就用這個曲子向故鄉道別吧!

蕭邦後來的生活怎麼樣了?  
他很好，  
成為了一位偉大的鋼琴家，  
有鋼琴詩人之稱，  
雖沒有結婚，  
但晚年是有一位紅顏知己在旁!

彈完便與樂團一起彈奏原本預備了的樂章。

我很感謝這個樂團中的所有成員，  
每一個都很友善!  
我很開心能來到這個樂團!

終於表演結束了!  
首席說明早才要回日本，  
所以今晚剩下的我們就可以自由活動...

但我要做的事，  
都做完了，  
所以離開音樂院後，  
便打算直接回酒店休息!

當我離開音樂院的時候...  
一把很熟悉...  
但已久違了的聲音...  
從我身後傳出來.....

"希希!!!"

難道是她?  
怎麼可能?  
不久,再喊一聲!

"希希!!!"

我轉身一看....  
原來真的是敏敏,  
看到敏敏,  
這時的我真的百般滋味在心頭...  
我不懂得反應...  
但敏敏已經一步一步的走過來...  
我很想走...  
但身體已經不懂得怎麼反應!

敏:今日果表演好精彩...

我:嗯...

敏:返左黎都唔同我講聲!!

我:....

敏:2年無見啦,做咩咁生外?

我:因為我已經無野可以同你講.....

敏:2年黎,你都無野同我講?

我:我講既野,個封信已經講晒.....

敏:我...

突然有一把男聲叫道

"敏!"

我意識到這個男人叫的是敏敏!

我:多謝你成日探我公同婆婆!

我:睇黎你老公黎搵你啦!咁我走先啦!

敏:.....

於是我轉身,拔腿就跑.....

明明已經放開了,  
明明要將這段回憶成我的養份...  
為何我還會這樣??

我回到酒店,  
立即冒大頭的睡覺了,  
不想去想這些事情.....

明早,

很早便有人拍門,  
把我叫醒...  
原來是首席...

我:首席,什麼事?

首:有人叫我把這封給你...

我:信?誰給我的?

首:一個跟你差不年紀的女生。

我:誰呀?難道是....

首:她說你看了這封信就會明白的了!

我:嗯....

我拆開這封信...

果然是敏敏的...

明明我們已經沒有什麼好說的了,

明明她已經結婚了,

她還有什麼事情要跟我說呢?

"

希希:

實在想不到,我們還有機會再見面,數一數我們已經3年半沒見過了吧?

還記得當初你要去香港升學時,我真的很失落,可是知道你會在大學畢

業會娶我,我就變得很溫暖,覺得這3年很快便會過去。

原來這3年是如此漫長的,我很想有人在我失落時找個人聊天,而不是對

著電腦,我想有人可以抱著我,給我支持.....可能因為這樣的關係,在你去香港

的第2年,我就已經開始新一段的戀情,我很害怕會傷害到你,所以我沒有跟你說,

希望時間的流逝會讓你感受好一點,之後我再告訴你。

在我大3的時候,他突然跟我求婚,我也不曉得怎麼拒絕,而且他很誠懇,

所以我接受他了,真的對不起,我真的想不像不到你會遵守我們的承諾,不是你的

錯,是我違背了我們的諾言.....

原本以為你會來我的婚禮,可以跟你好好的說清楚.....可是,你竟然沒

有來,只留下一封信...我才了解到,我傷得你那麼深。我明白我說什麼也補救不

了什麼,請讓我再跟你說一聲對不起!

敏敏

"

我看完這封信,

我對著這封信說話,

好像把它當成人似的  
"傻婆!結左婚都係仲係咁傻...  
明知感情呢家野,係無得勉強既,  
點解要同我講對唔住喎..."

我:首席,她人呢?  
首:剛走了!  
我:走了多久?  
首:太約15分鐘吧...

然後我就跑了出來!  
"點解岩岩佢搵我,我唔珍惜...?"  
希望可以跟敏敏再見一次面....  
希望可以真正跟她好好說話....

可是根本找不了...  
"敏敏應該返左屋企啦呱?"  
"睇黎我地永遠都係差一步..."

那我只好回去酒店...  
"米住?返屋企?"  
"問一問阿叔阿姨,米知佢住邊囉!"

於是,  
我開車的飛快去阿姨阿叔的家...

我:阿姨!  
姨:嗯?希希你唔係要返日本啦咩?  
我:係,但係有d我想搞清楚先!!  
姨:咁有d咩咁急?  
我:敏敏佢家陣住邊?  
姨:.....  
我:我真係好需要知道佢家陣住邊?  
我:我好想搵佢,我好掛住佢...  
姨:咁...你入一入黎先...  
我:我唔想再等!!!  
姨:呢件事真係要慢慢同你講....  
我:咁...對唔住...我係有d急!..

於是我只好跟著阿姨入去客廳...  
雖然內心恨不得立即去見敏敏...  
但奈何不知道她住在那裡...

姨:呢件事,要從2年前婚禮講起...  
"

你知唔知,  
係佢接受求婚果刻開始..



敏欣一路都覺得對你唔住,  
但係敏欣又唔想傷害到男方,  
所以就無拒絕到...  
當你無黎到佢既婚禮,  
敏欣已經知道,  
敏欣真係傷得你好深,  
之後,  
係婚禮之前,  
你阿爸比左封你既信比敏欣,  
我雖然唔知封信寫d咩...  
但係令到敏欣喊到收唔到聲,  
男方問發生咩事...  
但係敏欣點都唔答,  
然後敏欣拎起左一塊紅寶石,  
突然同男方講左聲對唔住之後,  
就衝左出去...  
我知道敏欣當時係去左搵你...  
但係咁,我同你阿叔為左收拾殘局,  
所以無追到出去,  
後來既事,我地都唔知,  
但係果日當敏欣返黎既時候,  
我地已經知道敏欣搵唔到你...  
佢一返黎就衝左入你間房,  
然後播起你果首CD...  
一路攞住你果枕頭,  
一路喊。

所以,其實敏敏一直都無搬出去,  
一直都係住係到....

"

我:咁姐係話??敏敏無結過婚?

姨:嗯...

我:我上次黎呢到,點解見唔到敏敏?

姨:敏欣其實一直係樓上...

我:咁點解唔出黎見我?

姨:果日,敏欣岩岩飲醉左酒...所以...

我:飲...飲酒?

姨:其實敏欣呢2年黎都係咁

我:唔通係為左我?

姨:嗯...自從你走左,敏敏就一直都好消沈..

姨:直到聽到你黎左溫哥華....

我:咁果日搵佢果個男仔係...?

姨:呢2年黎,敏欣已經好少出街...又點會有男仔朋友...

我:點解佢唔解釋清楚...

我:點解....

我:咁敏敏家陣係邊?

姨:敏欣好早就出左去,而家都未返..

我:而家都未返....

"請讓我再跟你說一聲對不起"

敏敏一定知道我今天會到機場,  
所以一定在機場!

我:阿姨,我諗我知敏敏係邊啦,我一定會接佢返黎!  
姨:加油啦!

於是,  
我開車直奔機場,  
一個令到我和她分開的地方,  
今日,我再也不能允許她離開我!

我終於到達機場,  
我到處也找不著她,  
那我只好大叫

"敏敏!"  
"敏敏!!"  
"敏敏!!你快d出黎啦!!"  
"敏敏!!!我最掛住你呀!!!"  
"敏敏!"  
"敏敏!"

又是那熟悉的聲音,  
"傻佬,你係到做咩!"

我立即跑向敏敏,  
立即抱起她!

我:知唔知,知唔知我呢2年黎幾掛住你!

敏:....

我:點解之前唔同我解釋...

我:我地唔好再分開啦,好唔好?

敏敏無答到我...

原來敏敏已經係到喊緊...

我:嫁比我啦,好無?

敏:你...唔介意?

我:點解會介意?因為你係我最愛果個!

敏:我...我真係可以?

我:梗係!

敏:嗯,我答應你!

我拿起那塊玉佩...

我:我地既結婚信物!

敏:呢塊米係...?

我:雖然之前唔見左,但係最終返黎我身邊!就好似你咁...

敏:其實...呢塊玉佩無唔見到...一直都係我身邊..

我:成日睇我阿媽果個原來就係你...

我:敏敏,我塊紅寶石呢?

敏敏原來隨身帶住我執紅寶石...

敏:拿,你塊紅寶石!

突然,一陣光芒從紅寶石透出,

而那塊玉佩也跟著發光...

又一道強光從2石之間發出,

令到我和敏敏都無法直望...

當光芒結束後,

2石已經消失了,

而遺下的就是一塊海藍色的玉。

我:我諗我明白呢2塊石變成咁既原因啦!

敏:哈?咁係咩?

我:遲d等我同你慢慢講!

敏:唔同我講你就死!

我:得啦得啦,我地返去同阿叔阿姨講左我地要結婚先!

敏:嗯!!

敏:咁你樂團果邊點?

我:唔怕,我地樂團都打算係呢到發展,所以我申請留係到做開荒牛就得啦!

我:我唔會再比機會你寂寞架啦!

敏:希希,我愛你!

我:敏敏,我都係.....

"至此,天使與惡魔的詛咒由此終結,  
因為玉佩儲蓄著洛瑤與敏欣對愛情的思念  
這力量,  
將紅寶石附帶的詛咒給消除。"

完。

## 後話

新手出文,  
有錯字,少字,意思混亂  
請多多包涵!

現在,  
我們很多時候都要外出讀書/工作,  
這樣會令到留在原地的親人,愛人,友人而擔心,傷心。  
而且,  
也有很多情侶,  
受不著與愛人分隔異地的空虛寂寞,  
因此分手了。  
其實,  
遇到這個情況的人,  
不妨多想一想,  
有一個愛你的人也在地球的另一端忍受著這種感覺,  
他也沒有說放棄,  
為何你就要放棄呢?

離別過才会有重逢時候的感覺,  
如果你能夠做保留對對方的思念,  
當有一天,  
你們終於可以相見了,  
這種感覺相信是你人生最大的快感,  
也是最難忘的一刻。  
如果自問還愛對方的話,  
各位戀人們請忍耐吧!

還是那一句,  
萬大事有相量!  
如果大家唔講清講楚,  
有時真係死左都唔見咩事!  
甚至可能後悔一輩子!